



१० वर्ष अगाडि इसे किताब रिक्च हो। होस्बाटे मगर तरिकै मारिक्नने।

परमेश्वरौ थान अथवा शैतानौ काम जाट्च ठाड

(१ यूहन्ना ३:४-१०)

ईसे कूसै नईयाँ पोस्टक होइन। पट्ट डेनाड ईसे नीस सय ल्हेस पहिले फ्रान्स डेच देसाड छ्यूक्नीआ र हजारौ मी-गीनाड ईसेलेकीड प्रशस्त आसीक डूपा। हीजैडेनाड परमेश्वरै भरमीकूरीओ मी-गीनौ अवस्था जसरी डाड्की छान्ले, ठीक होटजाट्ने कान्की टान्हाक्की ईसे पोस्टकै काट आत्मिक अईना लेखा काम याहाले। ईसे पन्नाकूरीआड धेरै जानै लोहो पापै न्हेच मी-गीनौ तस्वीराड र पश्चाताप जाट्ने काट नैयाँ मी-गीन डूपा हटई होस्कूरीए भित्रि काट नैयाँ हंस डूपा।

जब नाकै ईसे पोस्टक पढेस्ले, तब कृपया, ईला मेल्लाकी डाड्की ह्योक्च काट अईना आरमेटार पढेस्नी। चहीं नाकू अरु धर्म मन्डीच, चहीं खीष्टियन धर्म मन्डीच लेखूस, चहीं प्रभु येशूआड विस्वास माजाट्च, चहीं विस्वासीड न्हीनड हटस्नभ्याच भरमी लेखूस। ईसे पोस्टक पढेस्नाड परमेश्वरै नाकूकी जस्तो डाड्कीछान्ले, होन्चन नाकै मेल्लाकी डाड्की ह्योक्ले। परमेश्वरै सूर्यौर पक्षपात माजाट्ले। होस्कै त भरमीकूड मी-गीनौ अवस्थाकी ओस्की छान्ले।

शैतान पट्ट भूठौ बोई, छूम्चौ मालिक र ईसे संसारौ देव हो, होटछान्नाड र होचेई मेल्लाकी ज्योति नै ज्योतिए ढाच स्वर्गदूतौ रूपाड परिवर्तन जाट्ले र ईजाट्ने धेरै भरमीकोकी भ्रमाड पार्ले। नूड्नेभ्याच समयाड लेखा छीन्मिहन र खीष्टौ चेलौ भेष लाआर ह्वाच भूठा, धोखा याहाच प्रचारकूरी प्रशस्तै ले। ईसे कूसै अचम्मौ कूरा होइन, हीजैडेनाड होस्कूरीकौ मालिक, शैतान मेख्लै र ईश्वरौ दूतौ भेष लामने (२ कोरिन्थी (११:१३-१४) परमेश्वरौ प्रेम, महिमा कहाड्च अवस्थाकी र मुक्तिदाता लोन येशूकी भरमीकै डाड्की अट माह्योक्कूस र

डाङ्च मी-मन र माजाट्कूस डेम शैतान, ईसे संसारौ देउतै होस्कूरीकूड मी-मन र मी-मीककी अन्धा पारीम याहामे (२ कोरिन्थी ४:४) पट्ट पापी र विस्वास माजाट्चकूरी आत्मिक हिसाबै होस्कूरीमीटाक ईसे संसारौ देउतौ हंसै शासन जाट्ले । (एफीसी २:२०) लोहो भाल्च अवस्थाकी ओस्की, होस्कूरीकूड मी-मीक माउघस्नठर होस्कूरी मीट्हुम मालेच विनाशौ लामाड खेरनउंमने । “डाआड पाप माले” डेचकूरीकै मेल्लाकी धोखा याहाले ।

जब नाकै ईसे पोस्टक पढेस्ले र ईला लेच तस्वीरकूरी सेहेमजा नियाल्डीम ओस्ले, तब नाकै लोहोनै मी-गीनकी डाङ्ल्हे । परमेश्वरौ प्रकाशकी नाकूड् मी-गीनौ अवस्था टान्हाक्की अट याहानी । मेल्लो पाप मन्डीनी, र डाआड त पाप माले डेम माडेनी, हीजैडेनाड परमेश्वरौ वचन बाइबलाड ईजाट्न् रीक्मने “यदि कानूआड पाप माले डेम कान् होड्डीले डेनाड त कानै मेल्लाकी धोखा याहाले, र कानूआड सत्यता माले । तर कानै मेल्लौ पापकी मन्डीया डेनाड कानूड पाप क्षमा जाट्की र कान्की पट्ट अधर्मिड सेहेच खास्की होस्को विश्वासयोग्य र धर्मी ले ।” (१ यूहन्ना १:७-१०) परमेश्वरौ मीजा येशू लोनौ हीऊए कान्की पट्ट पापलेकीड शुद्ध पार्ले ।

नाकूड मी-मनभिन्नि कि त शैतानै राज्य जाट्ले कि त परमेश्वरै जाट्की छान्ले । नाकू पापौ दास हो वा परमेश्वरौ सेवक । यदि पापै नै नाकूकी लोहो अधिनाड पारीमे डेनाड ईसे बात ईन्कार माजाट्नी, बरू परमेश्वरकी आर्घानी, जसै नाकूकी लोन येशूलेकीड छूटकारा याहाक्ले । हीजैडेनाड कानूआड लेच पाप क्षमा जाट्की र शैतानौ शक्तिकी भाराकार कान्की पाप लेकीड जीवाट्की निम्ति लोन येशू संसाराड राहाकीछाना । होस्को नै कानूड मुक्तिदाता लोन हो । नाकू सेहेच परमेश्वरौ खेरे

पाड ले, होस्कौ नाकूड जीवनौ पट्ट बातकूरी नाकूड आर्चूक बिचार र कामसमेत वार्कीछान्ले । नाकै मेल्लाकी र मेल्लो कामकी परमेश्वरलेकीड आर्चूआक्की माट्योक्ले, हीजैडेनाड “जसै मेनकेट याहा, ही होस्को लहै न सेकी माट्योक्ले र ? जसै मी-मीक खासा, ही होस्को मेल्लै न डाङ्की माट्योक्ले र ?” (भजनसंग्रह ९४:९)“

“जसौ मी-गीन परमप्रभूलाक् सिद्ध ले होस्कूरीकी डूस (सहायता) जाट्की र सान्त्वना याहाकी निम्ति परमप्रभूओ दृष्टि पट्ट पृथ्वीलाक् नै उंमउंले ।” (२ ईतिहास १६:९)

“होस्कौ दृष्टि भरमीकूरीकूड चालमीटाक छान्च छान्ले, र होस्कूरी ह्वाच का-काट कदमकी होस्कै डाङ्कीछान्ले । कूसै ईन्च घोर छूम्च माले, जहाँ दुष्टकूरी होस्कोलेकीड आर्चूकी ट्योक्ले ।” (अयूब ३४:२१-२२)

“तर येशूए मेल्लाकी होस्कूरीकूड आडाड डास्कीमाछाना, हीजैडेनाड होस्कै पट्ट भरमीकोकी वार्न्हीया । ..... हीजैडेनाड भरमीभिन्नि ही छान्ले, होसे होस्कोकी थाहा नै लेआ । (यूहन्ना २:२४-२५)

होस्कारन “होसे धन्यौ हो, जसौ अपराध क्षमा छान्ले, र जसौ पाप हूणने । होसे भरमी धन्यौ हो, जसौ अधर्मौ हिसाब परमेश्वरै माडाले, र जसौ हंसाड छल लेर माले ।” (भजनसंग्रह ३२:१-२)

येशूए छीनीड, चाँहा र आर्घामनले –“हे पट्ट मेहेनत जाट्च र भारीए फेट्चको, डा लेठाड राहानी, डा नाहाकोकी म्हूड बाटाक्न याहाले ।” (मत्ती ११:२९)


जसरी पवित्रशास्त्र बाइबलाड पापी भरमीओ अवस्था होड्डीमे, होटजाट्न् नै ईसे पहिलो तस्वीरै काट पापै न्हेच, नैयाँ

जीवन माडूच लेन्जा वा मास्टौ मी-गीन टान्हाक्ले अथवा ईन्च व्यक्तिकी टान्हाक्ले, जसमीटाक ईसे संसारौ हंसै शारीरिक अभिलासा र मासेहेच बिचारै जरा ठाहाक्ले । होचेऊ मी-गीनौ सच्चा तस्वीर ईसे न हो । परमेश्वरै होस्की ईजाट्न् डाड्कीछान्ले । लोलस्च ग्या-ग्यास्च मी-मीकै मतवालीऔ जाहेर जाट्ले, जसरी हितोपदेश २३:२९-३३ आड होड्डीमे “सूकी दुःख ले ? सूकी चिन्ता ले ? सू योन्चआड फँस्टीले ? सू कूलताड परीले ? सूकी बिनासीट्टाड म्हा लगडीस्ले ? सूवौ मी-मीक ग्या-ग्याच छान्ले ? होस्करीकै जो अबेलाठर मड्डा गाले, जो मसला मोल्होक्च मड्डा पाम ह्वाले जब मड्डा ग्यास्च डाड्लहे, जब होचेऊ रंग बेलाड सेहेच डाड्लहे हटई जब होसे ईलाक-आलाक टीलपीलीडीस्ले, तब नाकू होस्की अट माओंस्ती हीजैडेनाड अन्तआड होचेई बूलै लेखा ठोले र बीखालू बूलै ल्याक्च ठोले । नाकूड मी-मीकै माचीन्हीच कुरा ओंस्ले । हटई नाकूड मी-मनलकीड मासेहेच ढूक् (कुरा) ख्योहोले ।”

### तस्वीरौ व्याख्या - पहिलो तस्वीर

ईसे तस्वीराड मी-टालूओ म्होक्लाक् भरमीकूड मी-गीन टान्हाक्ले । जहाँ कूडीक विभिन्न खालेओ जीवजन्तु बास उँमने । जसै भरमीकूड मी-गीनाड उँच, विभिन्न खाल्यौ पापकी टान्हाक्ले, हीजै डेनाड मी-गीननै कानूड पापौ उँचठाड र बैठक हो । परमेश्वर कान्खाटा यर्मिया भविश्य वक्तालकीड ईजाट्न् डाक्की छान्ले “भरमीकूड मी-मन पट्ट कुराडेनाड छली छान्ले र होस्की सए वार्की ह्योक्ले र ?” ( यर्मिया १७:९)

लोन येशू मेल्हान ईसे बचनकी ईजाट्न् पुष्टि याहार डेकीछान्ले “भित्रिलेकीड नै अथवा भरमीकूड मी-गीनीड्न् खराब बिचार, व्यभिचार, रन्डीबाजी, हत्या, खूस, लोभ, दुष्टता, छल,



१. पापी भरमीओ मी-गीन

कामुकता, कूदृष्टि, निन्दा, घमण्ड, मूर्खता ख्योहोले र भर्मीकी अशुद्ध पारीले ।” (मर्कूस ७:२१-२३)

## १. मूजूर

मूजरौ सुन्दरता पट्टन भर्मीकै प्रशंसा जाट्ले । तर ईला ईचेई मी-गीनाड घमण्ड, अहंकार, आदी पापकी टान्हाक्ले । लूसीफर, परमेश्वरौ अभिषेक छान्च करूव, ईश्वरौ नै ज्योति लाच काट समयौ परमेश्वरौ दूत लेया । घमण्डौ कारनै होसे स्वर्गलकीड भाला र ईजाटन परमेश्वरौ शत्रु, शैतान छाना । (यशैया १४:६-१७, इजिकीएल २९:१२-१७)

घमण्ड नरकलेकीड ख्योहार मेल्लाकी विभिन्न तरिकै प्रकट जाट्ले । कूसै भर्मीए लोहो फेसतौ बढीनाड घमण्ड जाट्ले, जसाड कारामौ सीमाकी च्यार होस्कै माकाराम लोहो जीउकी नड्गट्याक टान्हाक्ले । कोई मेल्लो च्याक्च गहन , चूरा, औंठीआड घमण्ड जाट्ले, जसरी यशैया पोस्टक ३:१६-२४ आड सेहेमजा होड्डीमे । सूर लोहो जीजूबाजूआड लोहो देशौ, रोसौ, गेस-तमासा आदीआड घमण्ड जाट्ले र ईसे कुरा म्ठ्याक्ले । “परमेश्वरै घमण्डीकोकी माजाक्ले, तर नम्रकोकी जाक्ले” हटई नाशौ अघेर अहंकार र पतनौ अघेर अभिमान राहाले ।” (१ पत्रुस ५:५, हितोपदेश १६:१९)

## २. बोक्था (बोका)

कामवासनै म्होरच नाम्च जन्तु बोक्था शारीरिक वासना, अनैतिक, व्यभिचार, फोकूड मास्टोकोखाटा ह्वाच प्रतिक हो । ईन्च नै ख्याहोच पापकूरी ईसे छीनीडपीहीन(छीन्म्हीन) जूगौ अन्तिम दिनाड ईजाटन फैलस्त ले कि अन्तिम दिनाड सदोम र गमोरौ दिनकूरी लेखा छान्ले, डेम येशू प्रभुए ओलमाहोल नीस (ह्वाड) हजार ल्हेस अघेर भविश्यवाणी जाट्च कुरा सत्य साबित

छान्की राहामने । ईसे आधुनिक हंसै खाली लेन्जा र मास्टो भर्मीकोकी मात्र घोच होइन धार्मिक भर्मीकोकूड ईम, गूमस्था, सीपाल (स्कूल) र आरनाम उँच ठाडाड समेत सूल्हमे ।

ईसे विनाशौ छोयो शैतानौ धूर्त काम र चलाकीलेकीड सीनेमा, स्याहामा, विभिन्न अनैतिक आहान(कथा) नाम्रीही (उपन्यास) आदी दूटोरीक (साहित्य) र ईन्च कूडीक उपायै भर्मीकूड मी-गीनाड छरीस्च ले । जून कूराकूरी परमेश्वरौ दृष्टिआड पाप हो, होस्न कुराकूरीकी भर्मीकै आधुनिक नैतिकतानै आरमेट्की ठाल्डीमे । लाखौं रेन्जा-आरनामकै लोहो जीवनौ आदर्श सीनेमा र नाम्रीही(उपन्यास)औ आधारआड खास्ने । तर ईसे कुराकूरीए होस्कुरीकूड जीवनकी आपत्ति र छाडा जीवन बितडीच, सीनेमौ गेस्च भर्मी र नायक-नायिकाकूरीनै ईसे म्हौक्लौ, रेन्जा र आरनामौ आदर्श हीरो-हीरोईनकूरी छान्ले । परमेश्वरौ सेहेच भर्मी यूसूफकी सूर र आदर्शौ रूपाड माओस्ले । जूलू जातिलेखा असभ्य समाजाड र व्यभिचारीकोकी मृत्युदण्ड याहाच रेवस (चलन) ले । ईन्च असभ्य जातिए त छीनीडौ कानूड सभ्य समाजकी कूडीक कुरा पाहाक्की ह्योक्ले ।

परमेश्वरै कान्कीडेमने “व्यभिचारीलेकीड भोगडीस्ती ।” अको जूनसूकै पाप जो भर्मीकै जाट्ले, होसे शरीरलेकीड बाहार छान्ले, तर व्यभिचारी जाट्चकै लोहो न शरीरौ विरूद्धाड पाप जाट्ले । अथवा ही नाहाकूरीकी थाहा माले ? नाहाकूरीकूड शरीर नाहाकूरी भित्रि छान्कीछान्च सेहेच हंसौ थान हो, जसकी नाहा कूरीए परमेश्वरलेकीड डूपा र नाहाकूरी मेख्लौ न होइन” सूर परमेश्वरौ थानकी बीगारले अथवा नस्ट जाट्ले डेनाड होस्की परमेश्वरै नस्ट जाट्की छान्ले । (१ कोरिन्थी ६-१९, ३:१७)

## ३ वाक

वाकै हान, रक्सी र घीचूवौ पापकी संकेत जाट्ले । सेहेच,

मासेहेच हीर कूरौ ख्याल माजाट्न्, डूप्चजति पट्ट थोक ज्याच, वाक काट फोहोरी जन्तु हो। ईजाट्न्नै काट पापै न्हेप्च मी-गीनै र छान्च-माछान्च मासेहेच कल्पना, बिचार र बोली अनि मासेहेच नड्गट्याक तस्वीर, दूटोरीक (साहित्य) पट्टकी दूम्कीकेट्ले। ईसे शरीरकी जो जीवित परमेश्वरौ थान (मन्दिर) छान्कीपरन्या। तर होस्की मासेहेच ज्यामौ अथवा पान, बिडी, सीगरेट, चूरोट, सुर्ति अफीम ल्याड्च हानीजाट्च थोक ज्याआर मासेहेच पारीमे। छीनपीहीन(छीनम्हीन) भरमीकोकी बिंडी, चूरोट र अफीमौ आदतै ईजाट्न् घोमे कि पहिले सेन्र होन्च मालेया। ईन्च धुम्रपानौ शिकार र शैतानौ दासकूरीकी परमेश्वरौ शक्तिए मात्र छूटकारा याहाकी ह्योक्ले। ज्यादा धार्मिक सोचबिचार लेच भरमीकूरी मण्डली(चर्च)आड धुम्रपान जाट्की साहस माजाट्ले। ईसे बिचार जाटार कि, ईन्च जाट्की चहीं परमेश्वरौ नियमकी मामन्डीकी हो, होटोडेनाड र होस्कूरी जो परमेश्वरौन सत्य थान हो, ईसे नाम्च ठूटै लोहो शरीरकी अशुद्ध पारीकी माकाराले। पावल म्यारमीन जाट्च प्रभुओ भरमीए डेले “ ही नाकूकी थाहा माले ? नाकूड शरीर पवित्र आत्मौ थान हो, हटई सूर ईस्की अशुद्ध पारीले डेनाड होस्की परमेश्वरै नाश जाट्कीछान्ले (१ कोरिन्थी ३:१६-१७)

धेरै ज्याच भरमी र परमेश्वरै माजाक्ले। कान जीकी ज्याले, ज्याकी निमित्त माजीउले। सेहेमजा ज्यानाड मीटूक हास्ले तर शारीरिक अभिलासा चहीं “ योहो, योहो” डेम च्याक्नउँले। शारीरिक अभिलासाकूरी सेन्र सन्तोक माछान्ले। पुरानो समयआड परमेश्वरौ नियमअन्सार पगीत्रो र धेरै खञ्चूवाकूरी र हान, मड्डा(रक्सी) गाचकूरीकी ल्हूडै डापार अट साट्कूस डेम डेमने “हान/रक्सी गाचकूरी र धेरै ज्याचकूरी सधैँन गरीप छान्ले। हटई मी-मीक भूकै थाड्ना बील्हाक्ले।” “ मा-मजूड संगतै लोहो

बोयौ मी-टाहा कारामाड पारीले।”(हितोपदेश २३:२१,२८:७) होसे धनवान भरमीकी आरमेट्नी त, जो ज्यादै खन्चूवा लोहो शारीरिक अभिलाषौ दास लेया। न्हीड सीया, जब होचेई नरकीड मी-मीक सोटाका, तब होसे धेरै पीडा, दुःखाड लेया। हान, रक्सी अथवा म्होरच कूरौ बारेआड होडीक डेमउँकी मापरले औला। परमेश्वर लोहो वचनाड सेहेम डेमे “ सूर मतवाला स्वर्गीय राज्यौ हकवाला छान्की माह्योक्ले, जसै हान/मड्डाकूरी खास्च र आरलाच जाट्ले, होस्कूरी परमेश्वरौ नजराड दोषी ठहरस्ले।” हीजैडेनाड परमेश्वरै डेकी छान्ले “होस्कूरीकी सराण्डीनी, जो हान/मड्डा गाकी चतुर र बहादुर ले।” (यशैया ५:२२) होस्कूरीकी सराण्डीनी जसै लोहो छीमेकीकी रक्सी कासाक्ले। हटई होला बीख मोल्होकार होस्कूरीकी बेहोस पारीम होस्कूरीकूड बेहेज्जत जाट्ले। (हबकूक २:१५) “होस्कूरीकूड भोजाड बाँसूरी, सारङ्गी, मादल, रक्सी र हान डूप्ले, तर होस्कूरीए परमेश्वरौ कामकी माडाड्ले होस्कौ मी-हूटै जाट्च कामाड ध्याननै मायाहाले।” (यशैया ५:१२) “अधर्मीकूरी परमेश्वरौ राज्यौ हकदार माछान्ले डेच ही नाहाकूरीकी थाहा माले ? माठगडीड, व्यभिचारी, मुर्ति द्याक(पूजा) जाट्च, खूस, लोभी, मतवाला, लूटाहा र गाली याहाचकूरी परमेश्वरौ राज्यौहकदार माछान्ले।”(१ कोरिन्थी ६:९-१०)

कानूड सांसरीक स्वभावौ पापकूरी ख्योहोमे। होस्कूरी मध्ये हीर ईसेन हो- “व्यभिचार, रन्डीबाजी, अपवित्र, कामकृता, मुर्ति-पूजा, टूनामूना, योन्मा(भगडा), डाहा, मतवा लीपन, मोजमज्जा र अरू ईन्चन कुराकूरी। ईन्च काम जाट्च कूरी कटैजाट्न् पनि परमेश्वरौ राज्यौ हकवाला माछान्ले।”(गलाती ५:१९-२१) “रक्सी/हानै माम्होरनी, जसाड चरित्रहीनता छान्ले, तर आत्मै न्हेप्च छान्नी।”(एफेसी ५:१८) डी सोन्चकूरीकी येशूए ईजाट्न्

निम्तो याहाकीछान्ले:“सूकी र डी सोन्हाडेनाड डालेठाड अट राहाकूस र होटन जीवनौ डी गाकूस ।”(यूहन्ना ७:३८)

हे पट्ट डी सोन्चकूरी, डीखेरेप अट राहानी, हील्च मालेचकूरी र राहानी र हील्च मायाहाम गानी ।”(यशैया ५५:१)  
“जसै होसे डीलकीड आगई, जो डा होस्की याहाले, होसे सेनर मासोन्हे,तर जून डी डा होस्की याहाले, होसे डी होसे भित्र लोट्च जीवनौ निम्ति गीट्चनउँच डीऔ जरूवा छान्ले ।”

#### ४. कछुवा

कछुवै अलछी ,होताले,वा अल्याड-टल्याड र तान्त्रिक बिद्या, टूनामूना, ल्याड्च पाप संकेत जाट्ले,अविस्वास चहीं तान्त्रिक बिद्यौ पाप लेखान हो ।“अलछी भरमी लोहो लालसाड परीले, हीजैकी होच्यौ मी-हूट परिश्रम जाट्की मामन्डीले । ईन्च भरमी दिनभरी लालसा मात्र जाट्चनउँले ” (हितोपदेश २१:२५-२६) यहोशुए ईसाएलौ सन्तानकूरीकी डेकी परनीया “ ईसे देश लोहो अधिनाड पारीकी अलछी माजाट्नी ।” भरमीकूड स्वभाव परमेश्वरौ कूराकूरी डूक्की अलछी र सुस्ति ले । येशूए डेया “ साड्रो गलामलेकीड केलकी कोशिस जाट्नी ”(लूका १३:२४)

“पानी हटई नाहाकूरीए डूप्ले ।”“ स्वगौँ राज्यै बलमीचाई सहस्मउँमने,अनि बलजफत जाट्च भरमीकूरीए जब्बर जस्तीखाटा ईस्की लाले ।” (मत्ती ११:१२)

यदि कान् उद्धार र आत्मिक वरदानौ कुराड आलसे छान्ले डेनाड कान् नरकाड टाहाले । अलछी जाट्नाड प्रार्थना जाट्की परमेश्वरौ आर्चूक्च गोप्य कुराकूरी पाकी र परमेश्वरौ पट्ट डेनाड कहाड्च आसिक लाकी कान्की रोक्डीले र मासेहेच लाम्लाक् ट्वाआक्ले । नाकूड मी-गीन छीनीड्ने याहानी डेम परमेश्वरै नाकूखाटा डाकार नाकूकी उत्तेजित पारीले, तर शैतानै

नाकूड मी-मनाड,ईसे काम पीहीन(प्योराक)की वा अरू कूसै दिनाड जाटीड डेम बिचार राकाक्ले । होसे दिन आबै ! सेनर माराहाले हटई नाकै मुक्ति माडूप्न अनि खीष्ट येशूकी माडूप्नै सीले । परमेश्वरै डेकीछान्ले “छीनीड होस्कौ आवाज सेया डेनाड मेल्लो मी-गीनकी कठोर मापारीनी ।”(हिब्रू ३:८) कूडीक भरमीकूरी उद्धारौ निम्ति सेहेच लाम् डोस्नाड - डोस्नाडन होसे समय माराहामन नै नास छान्ले । टूनामूना र जादू जाट्चकूरी कछुवौ बाहिरी खपटा धेरैलेखा तान्त्रिक विद्यौ कामाड केटाक्ले । ईला ईचौ मतलब, जीउँदो परमेश्वराड विस्वास डाकी सट्टा टूनामूना जाट्च र मी-हूट जोखना ओँस्च तान्त्रिक कुराड विस्वास डाच पापकी टान्हाक्ले । परमेश्वरौ वचनै कान्की पाहाक्ले-खास जाट्चन संकष्ट, दुःख ,परिक्षा, छाबूक(बिमारी) वा बिलापौ समयाड रीही(भाग्य) र मासेहेचरीही(दूभाग्य)आड आड डाकी सट्टा जीउँदो परमेश्वरकी आर्घाकी पर्ले, जो कानूड सहायता जाट्की सधैं तयार छान्कीछान्ले । हीजैडेनाड-“सज्जनौ पाईला परमेश्वरलेकीडनै स्थिर उँले ।” (भजनसंग्रह ३६:२३) “हीजैडेनाड कहाड्च मान न पूरबलेकीड राहाले न पश्चिमलेकीड, न डक्खीनलेकीड नै राहाले, तर परमेश्वर नै न्यायाधीस हो ।” (भजनसंग्रह ७५:६७) परमेश्वरै ईसाएलकूरीकी ईटो डेम आँग्या याहा -“लोहो मीजा वा नानीकी म्हेआड अर्घ याहाच, न्हूनीडौ कुरा डाक्च सेहेच मासेहेच साईत मन्डीच,तन्त्रमन्त्र जाट्च, बोक्सी, ईन्द्रजाल गोसाक्च, भौँक्री वा मसान गोसाक्च सूर भरमी नाहाकूरीमध्ये अट माडूप्कूस । हीजैडेनाड जतिए ईन्च-ईन्च काम जाट्मन ले, होसे पट्ट परमेश्वरौ खेरेप मासेहेच (घृणित) छान्ले ।”(व्यवस्था १८:१०.१२)“ चीऊकूरी,टूनामूना जाट्चकूरी, व्यभिचारीकूरी, हत्याराकूरी मुर्तिपूजा जाट्चकूरी,भूठाकी जाक्चकूरी बाहिरी छान्ले ।” (प्रकाश २२: १५) नाकूड भाग्य

डेमह्वाचलाक् अथवा ईन्च कुराकी पामह्वचकूरीलाक् माल्हेस्नी ,नत्रडेनाड नाकै होस्कूरी खाट्खाटान पाप जाटार मेल्हाकी अशुद्ध पारीकी ह्योक्ले । “डा कहाड्च प्रभू नाहाकूरीऔ परमेश्वर हो ।” (लेवी १९:३१) “जब होस्कूरीए नाहाकूरीकी ब्रूक्-ब्रूक् फोर्झच र डाक्च जादू जाट्चकूरी र झॉक्रीकूरीखाटा गीन्की डेम डेले, तब ही भर्मीकूरीए मेल्होन परमेश्वरलेठाड नूड्न गीन्की मापरीले र ? ही जीवाट्चकौ विषयाड सीचकूरीखाटा गीन्की ज्योस्ले र ? साक्षी-वचनलेठाड नूड्नी । यदि होस्कूरी ईसे कुरा अन्सार माडा क्ले डेनाड त पक्का होस्कूरीकूड निम्ति गौराक माछान्ले ।” (यशैया ८:१९ -२०)

ईसे मेजे पोस्टक पढेस्चै जाट्नाड परमेश्वर नाकूखाटा डाक्नउँले र डेकी छान्ले -“लोहो पापलेकीड पश्चाताप जाटार मेल्हो जीवन डऊ मी-हूटाड याहानी ।” तर नाकूड मी-गीनाड बास उँच कछुवौं हंसै नाकूआड पट्ट खाल्यौ सल्लाहकूरी राकार नाकै परमेश्वरौ विषयाड जाट्कीपरच निर्णायकी जाट्की मायाहाले, तर नाकूड मी-गीनकी ब्रीमहै न्हेपाक्न याहाले । “डा साँच्चो खीष्टियन छान्नाड डउ लाफा, लोहो भर्मी, अरू भर्मीए डाकी ही आडेई ?” “यदि डई स्याहाच, ल्हीड्च हटई मोजमस्ती आदी सांसरीक कुराकूरी फेरी मालाडेनाड ही छान्ले औला ?” प्रभु येशूआड लेच प्रशस्त धन, होस्कौ अचम्मौ शान्ति डेकी माह्योक्च आनन्द, महिमा र लोट्च जीवन डाड्की सट्टा नाक् होसे कुराकूरी डाड्की ठाल्ले,जून बातकूरी नाकै येशूकी लोहो मी-गीनाड डाकी पर्ले । तर येशूए जीवनभरि सीच हटई बीरीहीमउँच पट्टकूरीकी छूटकारा याहाकी राहा । (हिब्रू २:१४-१५) कछुवौ ल्याड्च नाकूआड लेच होटाले स्वभावै नाकूड मी-गीन कछुवौ बाहिरी खपटा ल्याड्च कडा माछान्जेल साह्रो छान्मन नूड्ले ।

## ५. पितुवा

चितुवा काट बीरम्हसेच र निर्दयी जन्तु हो । धेरै लेखा भर्मीकूड मी-गीनाड घृणा ,मीर्हीस र हिंसौ स्वभावै जमडीच छान्ले र धेरैखेप ईचेई भर्मीकी हत्या जाट्की लैडीले । नाकै होन्च स्वभावकी छ्याक्च कोशिस जाट्नाड -जाट्नाडनै छताछूल्छानार बाहिरी खेल्हे । लोहो मी-गीनाड मीर्हीस ले डेच कुरा मन्डीम नाकै ईसेलेकीड छूटकारा डूप्की प्रभू येशूखाटा बिन्तीभाऊ जाट्की सेहेच छान्ले ।” मीरीखी डास्नी र क्रोधकी ट्यागडीनी ईच्यै खराबी जाटाक्ले ।” (भजनसंग्रह ३७:९) “क्रोध निर्दयी छान्ले, हटई मीरीसचहीं बहस्च भललेखा । तर मीरीसौ अघेर सू टीक्टीडी ह्योक्ले ?” (हितोपदेश २७:४) “छीटो मीरीमाखेनी, हीजैडेनाड मीरीस त मूखौं मी-गीनाड उँले ।” (उपदेशक ७:९) होस्कारन मेल्हो मीमनलेकीड मीरीस र क्रोध ख्योहाक्नी (कलस्सी ३:९) धेरैलेखा भर्मीकै म्होरच चीजकूरी गाआर अथवा सूरखाटा बदला लाआर लोहो मीरीस्की शान्त पारीकी पाले तर- “होस्कूरीकूड रक्सी अजिङ्गरौ बिख र चीहीच बूलौ बिख हो ।” (व्यवस्था ३२:२३)

पापै न्हेच मी-गीनै बदला फेरीच वा लाच काम असाध्यै जाक्ले,तर कानूड बदला फेरीच त परमेश्वर हो । येशूए डेकीछाना “नाकूए लोहो छीमेकीकूरीकी मेल्हाकी लेखान रोह (प्रेम) जाटनी ” र नाकूड शत्रुकूरीकी पनि रोह जाटनी । कानूड बिरूद्धाड अपराध जाट्चकूरीकी कानै क्षमा जाटा डेनाड कानूड अपराध क्षमा जाट्की परमेश्वरै बाचा जाट्की छान्ने । चूक्ली लैडीच र मी-मनाड्नै गनगन जाट्च आत्मा परमेश्वरौ दृष्टिआड होडीकमनै मासेहेच हो । पून्च र हत्या जाट्च खराब भावनौ उँच-

ठाड मी-गीननै हो । होस्कारन यदि भरमीए धेरै समयसम्म ..... हो डेनाड साँचो शान्ति मी-गीनाड डाकी एकदमै जरूरी ले ।

#### ६. बूल

अदनौ बगैचाड हव्वाकी बूले छल जाटार परमेश्वरखाटौ सेहेच संगति र मेलमिलापकी भाराकनयाहा । खत्तम छान्च स्वर्गदूत शैतान मेलहो सट्टाड आदम र हव्वाकी परमेश्वरखाटा संगति जाट्च र संसारौ मालिक छान्च डाड्हार ईधैँ मूछाँ पारनीया । ईसेन ईधैँ शैतानै होस्कूरीकी नास पारीच जूक्ति रचडीकी ठाला, र साँचनीनै होस्कूरीऔ अचम्मौ मेलमिलाप, परमेश्वरखाटौ संगति र जीवनकी बीगारीया । ईसेन शैतानिक ईध्याँ र मीरीसै जाट्नाड भरमी जातिआड कूडीकौ सुखकी नाश पारीमयाहाले, हीजैडेनाड होस्कूरी अरूकी सुख र भेरमज (आराम) खाटा उँच माजाक्ले । “ ईध्याँ चिहान (लूमरा) लेखा निर्दयी छान्ले । ” ( श्रेष्ठगीत ८:६)

ईचैँ भरमीकूड मी-गीनाड अरूकूड सुख र आनन्दकी खलबलडीच दुष्ट बिचारकूरी ख्योहाक्ले, हत्यासम्म जाट्च दीन (भावना) जगडीले । विशेषजाट्चन कोई-कोईयौ ब्याहा छान्च जीवनाड ईन्च डूप्ले । जीवनौ अरू ठाडाड र ईधैँ डेकीमाह्योक्च दुःख र घृणा ख्योहाक्च छान्ले । ईडीकसम्म कि खीष्टियन सेवक जन पनि

ईचेऊ हमलालेकीड भीस्च माछान्ले । कानै सधैँ होशियार छानार उँकीपरले र कानूड मी-गीनाड सेहेच आत्मालेकीड बहडीयाक्च परमेश्वरौ शुद्ध रोहैँ (प्रेमै) न्हेप्की परीले, नत्रडेनाड परमेश्वरखाटौ कानूड पट्ट भक्ति र सेवकाई शैतानीक आत्मै नस्ट पारीले ।

#### ७. रोकोट्याक :

ईचेई भ्ना ज्याले र ईला लालच र हील्च द्याकौ (पैसौ) लोभौ संकेत जाटाक्ले, जो पट्ट खालौ खराबीऔ मीट्हुम हो । (१ तिमोथी ६:१०) कडगो डेच देशाड ईन्च रोकोट्याककूरी पनि डूप्ले जो मेपूड भाटार मासीमठर म्हारकूरी ज्यामउँले । कूसै लोभी भरमीए पनि गरीप र दरिद्रमीटाक दया टान्हाक्च इच्छा माडाम चाहे ईमान्दारीखाटा चाहे बेईमान्दारीखाटा जसरी डेनाड पनि ईसे संसारौ धन गोहोकी र झरूमचपट्टी लगडीस्ले । येशू खीष्ट मेलहैन डेकीछाना -“मेलहो निम्ति पृथ्वीआड धनसम्पति माठुपारनी, जहाँ डू र खीए नस्ट पारीले, होला खूस्कूरीए भास्ले र खूस्ले, हीजैँ डेनाड मेलहो निम्ति स्वर्गाड धनसम्पति ठुपारनी, जहाँ न डूए नत खीए नस्ट पारीले- जहाँ खूस्कूरीए न खूस्ले न भास्ले, हीजैँडेनाड जहाँ नाहाकूरीकूड धनसम्पति छान्ले होलानै नाहाकूरीकूड मी-मन पनि छान्ले ।” (मत्ती ६:१९-२१) आकान र होचेऊ पट्ट परिवार सुन, चाँदी मूल्यवान लहूड र बढीनकूरीकी धेरै रोह (माया) जाट्चबाटे नास छाना । येशू खीष्टौ चेला यहूदा ईस्करयोती मेलहान चोल्होआर सीया; हीजैँडेनाड हील्चौ(रूपैयापैसौ)प्रेमैन होस्की लोहो प्रभू र मालिककी घोमोयाहाक्च धोखेबाज खासाक्नीया । ईसे दोष हील्चौ होइन नत सुनौन हो । तर ईसे दोस त ईसे कूरीकी प्रेम जाट्की हो । जूनकूराकूरी भरमीकूड मी-गीनाड आरूहमउँले ।

पट्ट वर्ग जाति थर र वणौँ भरमीकूरीआड र होस्कूरी कूड परिवाराड चाहे जूवा गेसार लेखूस, चाहे घोडा-खेराक्च गेस (खेल) गेसार लेखूस, चाहे बाजी जूवार लेखूस धेरै धन गोहार अचानक होडीक्नखेर धनी छान्की ह्योकीड डेच ईसे कहाड्च मासेहेच मी-मनै बास जाट्च छान्ले । धेरै कहर (परिश्रम) माजाट्मन धनी छान्च मी-मनै भरमीकी हत्या, डकैटी जाटाक्की



खाटखाटान आत्महत्या जाट्की लैडीले । हीलचौ(रूपैया-पैसौ) लोभखाटा अधिकार केटाक्च वा कहाड्च भरमी छान्च लालच राहाले । चाहे ईसे राजनीतिक फेस (शक्ति) लेखूस, चाहे गरीप भरमीकूरीकी थिचोमिचो पारीच फेस लेखूस, चाहे धार्मिक फेस अधिकार लेखूस जसै लोहो संगठनौ म्यारमीनौ निम्ति धेरै उत्साह लाआर काम जाट्ले । तर खीष्टौ न्हूड कूसै भक्तजनकी घृणा जाट्ले अथवा माजाक्ले । (मर्कूस ९:३८) येशूए डेकीछाना -“अट होसियार उँनी, मेल्हाकी पट्ट खालौ लालसालेकीड जोगडीड, हीजैडेनाड भरमीकूड जीन्दगीचहीं होसेखाटा लेच धेरै सम्पतिआड माछान्ले ।” (लूका १२:१५) काट धनी मूर्ख भरमीओ आहान (कथा) ईसे खालौ ले ।”

काट धनी भरमी लेया, होचेउ ह्याए प्रशस्त अन्न उब्जनी याहामीया ।अनि होचेई ईटो डेआर मी-मन मनाड बिचार जाटा । डाखाटा डऊ अन्नकूरी डाच ठाडनै माले, आब डा ही जाटीड ? तब होचेई डेया, डा ईसेन जाट्ले, डा लोहो मूबक(भकारी)कूरी भासार भन बा-बाडो खास्ले/खास्चले, होस्न्हूड डऊ पट्ट अनाज र सम्पत्तिकूरी होलानै डाले र डा लोहो प्राणकी डेले “ए प्राण, धेरै ल्हेसठर(वर्षसम्म) ओल्छ धेरै सम्पत्ति नो/नडो निम्ति ठूप्रस्च ले । आरामखाटा उँना, जेऊ, गऊ र माराड्हो ।” तर परमेश्वरै होस्की डेकीछाना -“ए मूर्ख ! ईसेन नाबीक नाड्लेकीड नो/नडो प्राण फिर्ता चहस्ने, तब जे बातकूरी नई/ने जोहो जाट्मने, होसे सूर्यौ आछानै ?”

परमेश्वराड धनी माछान्म मेल्हो निम्ति मात्र धन गोहोचकौ हालत ईन्चन छान्ले (लूका १२:१६-२१) “हीजैडेनाड भरमीए पट्ट/जम्मै संसारकी लोहो मी-हूटाड पारीनाड र हंस (आत्मा)चहीं म्हाटाका डेनाड होस्की ही फाईदा छान्ले ?” (मर्कूस ८:३६) “ होस्कारन डा नाहाकूरीकी डेले, कानू ही आजैई डेचै

लोहो प्राणौ निम्ति, खाटखाटान कानू ही आबील्लै डेचै लोहो मीजाडौ (शरीरौ) निम्ति सुर्ता माजाट्नी । हीजैडेनाड जहाँ नाहा-कूरीकूड धन ले,होलान नाहाकूरीकूड मी-मन र छान्ले ।” (लूका १२:२२-२४)

तर पैल्ले परमेश्वरौ राज्यौ र होस्कौ धार्मिकताकी पानी र ईसे पट्ट थोककूरी नाहाकूरीकी फाट्न याहाच छान्ले ।” (मत्ती ६:३३)

### ८. शैतान :

होसे पट्ट भूठौ बोई हो । होचेई कानूकी फूरकडीम खाल-खालौ पाप जाटाक्ले र मी-गीनाड शासन जाट्ले । प्रभू (लोन) येशूए डेकीछाना -“नाहाकूरी त मेल्हौ बोई, शैतानलेकीडौ हो,अनि लोहो बोयौ मासेहेच इच्छाकूरी जाट्की पाले । होसे त पैल्लेकीडनै हत्यारा लेया र सत्याआड उँकीमाह्योका, हीजैडेनाड होस्खाटा सत्यता लेर माले । जब होचेई भूठा डाक्ले, तब मेल्हालेकीडन डाक्ले, हीजैकी होसे भूठौ बोई हो ।”(यूहन्ना ८:४४) भूठा चाहे काहाड्च लेखूस चाहे माजा लेखूस भूठो भूठान हो । भरमीकूड जीवनाड कूडीक भूठा छान्ले, होसे डाक्ले, रीक्ले र जाट्ले । कप्टी ईन्च भूठो भरमी हो, जसै मेल्है जाट्च भूठो कामकी माजाट्चन डेम बहाना जाट्ले । परमेश्वरै भूठो माडाक्ले न त खीष्टियनै । “होस्कोखाटा कानूड संगति ले डेम कानै डेले, तर छूमचाड ह्वाले डेनाड कानै ढाँट्डीले र सेहेचखाटा माह्वाले । (यूहन्ना १:६) “चीऊकूरी, जादू जाट्चकूरी, लसपसजाट्चकूरी, हत्याराकूरी, मूर्तिपूजा जाट्चकूरी पट्ट भूठो जाक्च र रचडीचकूरी बाहीरी छान्ले ।” (प्रकाश २२:१५)

### ९. टूगा/तारा

ईचेई का-काट भरमीकूड मी-गीनाड छान्च विवेककी संकेत जाट्ले अथवा टान्हाक्ले । ईला ईसे चीहीच, मासेहेच अनि

दुष्ट ले । शायद पाप जाटन उँच कारनै सीमभ्यामे । आब ईसे अन्धा र विचलित अवस्थाड ले, होटोजाटनाड मेलहन जाट्च कामौ र सेहेच-मासेहेच भाक्की माह्योक्च छान्मने । ईसे दुष्ट विवेक सेनखाल शान्त र सेनखाल दुःखित छान्ले । ईचेई क्षमा याहाकी परीच ठाडाड दण्ड र दण्ड याहाकी परीच ठाडाड क्षमा याहाले । शायद ईसे विवेक खान्छ फलामै डाम्डीच लेखा ले र विस्वासीड ल्हेस्त भ्याचबाटे लोहो पट्ट विवेकौ चेतना म्हाटाक्ने । हीजैडेनाड ईचेई बहकडीच हंस(आत्मा)कूरी र शैतानौ शिक्षाकूरीकी ध्यान याहाम कप्टीखाटा भूठ्ठा डाक्ने ।

#### १०. मी-मीक

परमेश्वरौ मी-मीकै मी-गीनाड पहीच पट्ट कूराकी डाड्ले । होस्कौ तेजपूर्ण मी-मीकीड हीर पनि कूरा आरूचकी माह्योक्ले । होस्कारन होस्को मी-गीनौ पट्ट आरूच बिचार र मी-मनौ तर्ककूरी र डाड्कीह्योक्ले ।

#### ११. म्हेओ माजा मेलेटकूरी

मी-गीनौ वार्लाक-पार्लाक् उँच म्हेओ ईसे माजा मेलेटकूरीए पापै न्हेच मी-गीनकी परमेश्वरौ प्रेमै घेरीमउँच संकेत जाट्ले । परमेश्वरै पापकी माजाक्नाड र पापीकीचहीं रोह (प्रेम) जाट्कीछान्ले । होसे नौमासीकूस् तर पश्चाताप जाट्न अट जीऊकूस् डेच होस्कै इच्छा जाट्कीछान्ले । खीष्ट येशू पापीकूरीकी पाकी र जीवाट्की निम्ति राहाकीछाना । काजाना पापीए पश्चाताप जाट्ले अथवा परमेश्वरलाक् मी-मन ल्हेटाक्ले डेनाड स्वर्गाड क्हाड्च आनन्द छान्ले । ईसे माजा मेलेटकूरीए खीष्ट येशूओ हीऊकी र संकेत जाट्ले । “ ओंस्ती संसारौ पाप सोटाक्न आल्छ परमेश्वरौ थुमा येशू खीस्ट हो ।” (यूहन्ना १:२९)

#### १२ स्वर्गदूत

स्वर्गदूतै परमेश्वरौ वचन सेटाक्च काम जाट्ले । छल, कपट र पापै फेट्च भर्मीकूरीकूड मी-गीनाड परमेश्वर डाक्की पाले । भर्मीकूरीए पश्चाताप अट जाटूस अनि होस्कौ ज्योति र प्रेम मेलहो मी-गीनाड परीकी याहाकूस् डेच होस्कौ क्हाड्च इच्छा ले ।

#### १३. डूकूर

डूकूरचहीं पवित्र आत्मा र सत्यौ आत्मौ चिन्ह हो । होस्कै भर्मीकी पाप, धार्मिकता र न्यायौ बिषयाड कायल पारीकीछान्ले । ईला तस्वीराड सेहेच मी-गीनौ बाहर उँकीछान्च डाड्ले । पापै शासन जाट्च ठाडाड होस्को उँकी माह्योक्ले । ईसे तस्वीराड टान्हाक्च वा होड्डीच कूरा नाकूड मी-गीनौ अवस्थाखाटा खाट्ले डेनाड छीनीड्नै प्रभू येशूकी आर्घानी । लोहो मी-गीन होस्कौ निम्ति फोवार होस्कौ वचनौ ज्योति नाकूड मी-गीनाड चस्कस्की अट याहानी “प्रभू येशूमीटाक विस्वास जाट्नी, र नाकै मुक्ति डूच्ले ।” (प्रेरित १६:३१) परमेश्वर तयार छान्मउँमने, होस्कै नाकूड मी-गीन योस्नयाहाच वाचा जाट्की छान्मने । खाट्खाटानाड होस्कै सेहेच हंसै (पवित्र आत्मै) नाकूड मी-गीन न्हेपाक्न याहाकीछान्ले । ईसे बात नीसरा (दोस्रो) तस्वीराड होड्डीमे ।

#### दोस्रो चित्र

ईसे तस्वीरै परमेश्वरकी पाकीशुरू जाट्की थाल्च काट पश्चातापी भर्मीओ मी-गीनौ संकेत जाट्ले । ईला स्वर्गदूतै काट तरवार घोमउँमने जून परमेश्वरौ वचन जीवीत हो । “ हीजैडेनाड परमेश्वरौ वचन जीवीत र सेचेह र कूसै नीसधारे तरवार डेनाड र हेट्च छान्ले । जसै प्राण र हंसकी जोनी -जोनी र हाडौ मासीकी पनि वारपार ख्वाक्ले र मी-गीनौ -भावना र बिचार -



२.दोषी पश्चात्तापीओ मी-गीन

कूरीकी खूटडडीले ।”(हिब्रू ४:१२) परमेश्वरौ वचनै होस्की ईसे आरमेटाक्ले : “ पापौ जेला सीकी हो ।” अनि “भरमीए काखेप सीकीनै परले होटई होस न्हड न्यायौ लागि खडा छान्की परले । ( हिब्रू ९:२७) “ पापी र अविस्वासीकूरीकुड भाकचहीं म्हे र गन्धकै न्हेप्च कूणडाड छान्ले ।” (प्रकाश २१:८) स्वर्गदूतौ अर्को मी-हूटाड काट खप्पर ले । ईसे खप्परै पापीकूरीकी काखेप कान् पट्टै सीकीनै परले डेच आरमेट (संभना) याहाले । कानूड ईसे जीउ जसकी कान् ईडीक माया जाटले,बढीन बील्हकाले कासाक्ले,सीङ्गारडीले र ईचेउ अभिलाषा पूरा जाटाक्की पट्ट खालौ हेरचाह जाटले । तर कायाक ईसे सीम घेरेल्ले । तब कानूड हंस,जो सेनर मासीले,होसे परमेश्वरौ खेरेप न्यायौ निमित्त टोड्की परले ।

ईला कानै डाडल्ले,पापी भरमीए परमेश्वरौ वचनाड ध्यान याहाकी शुरू जाटार परमेश्वरौ प्रेमलाक् मेल्लौ मी-गीन फोमने । सेहेच हंसै होचेऊ मी-मनाड छूम्च र पापी मी-गीनाड चम्कस्की शुरू जाट्मने । परमेश्वरौ ट्याड्च (उज्यालो) होचेऊ मी-मनाड परीचसाथ छूम्च ख्योहोकीकेटले । जब परमेश्वरौ ट्याड्च (उज्यालो) भित्र नूड्ले, तब छूम्च बाहिर ख्योहोले, खालाखालौ जन्तुलेकीड संकेत जाट्च पापकूरी ख्योहोम भोगडीस्ले । होसकारन प्रिय लाफा, प्रभू येशू, संसारौ ज्योतिकी लोहो मी-गीनाड परीकी अट याहानी र तस्वीराड टान्हाक्च लेखा छूम्च र होचेऊ कामकूरीए नाकूड मी-गीनकी डास्ले । येशुए डेकीछाना “ डा संसारौ ज्योति हो । डऊ न्हूड-न्हूड ह्वाच छूम्लाकाड माह्वाले,तर होचेई जीवनौ ज्योति डील्ले ।” (यूहन्ना ८ : १२)

नाकै मेल्लौ शक्ति,कोशिसै अथवा बुद्धिए लोहो मी-गीनलेकीड अन्धकार ख्योहाक्की सेनर माह्योक्ले । पट्ट र डेनाड सजिलो, छिटो र सेचे ह काट मात्र उपाय ईसनै हो कि, प्रभू

येशूकी भिन्नि राहाकी अट याहानी । होस्कै पापौ अन्धकार कि ख्योहाक्न याहाले ग्याहोट र टूगा (तारा)कूरीए कान्की नाबिकौ छूम्च्छाड हीर डूस (सहायता) याहाकी ह्योक्ले, तर जब नाड्खान फेरले, तब छूम्च्छ र मा-माजा उज्यालो कूरी म्हाट्ले । येशू धार्मिकतौ नाड्खान हो । जब येशू यरूसलेमौ थानाड (मन्दिराड) राहाकीछाना, तब होस्कै पट्ट ठोर (बार्डा) भेंडा,दूकूर आरलाचकूरीकी बाहिर ख्योहाक्न याहाकीछाना र हील्व (पैसा) योस्चकूरीकौ टेबूल घोप्टडीम डेकीछाना “ईसे रीक्मने, डउ ईम प्रार्थानौ ईम डेम होड्डीले, तर नाहाकूरीचहीं ईस्की डॉकूरीओ ओडार खासाक्ने ।” (मत्ती २१:१३) नाकूड मी-गीन परमेश्वरौ थानौ (मन्दिरौ ) निम्ति खास्च हो । परमेश्वर ईला उँकी जाक्ले । ईस्की सेचेह खासाक्की र ज्योति, रोह (प्रेम) होटई आनन्दै भरपूर खासाक्की जाक्की छान्ले । येशू कान्ड पापकूरीकी क्षमा जाटकी मात्र माराहा, तर होस्को कान्की जीवाटकी र पापौ शक्तिलेकीड डासाक्की अथवा छूटकारा याहाकी राहाकीछाना । “ होस्कारन परमेश्वरौ मीजै नाहाकूरीकी स्वतन्त्र पारीया डेनाड पक्का स्वतन्त्र छान्ले ।” (यूहन्ना ८ :३६)

### तेस्रो चित्र

ईसे तस्वीरै काट सच्चा पश्चातापी भरमीकूड मी-गीनौ अवस्था टान्हाक्ले । चाँहा होचेई धेरै बीरम्हसेच पापकूरी डाड्ले, जसौ कारन येशू क्रूसाड सीकी छाना । जब होसे पापीए क्रूसकी डाल्हे, जून क्रूस स्वर्गदूतै परमेश्वरौ वचनलेकीड टान्हाक्ले, तब होसे दृष्यै होचेऊ पश्चातापी मी-गीन भाराले र गम्भीर शोक मीरापडीए मेल्लौ धेरै पापौ कारनै मी-गीन बीक्ले । होचेई खीष्ट येशूआड लेच परमेश्वरौ क्हाड्च प्रेमकी डाल्हे । ईसे प्रेमै होचेऊ मी-गीन पगाल्डीम याहाले । विशेष जाटार जब होचेई ईसे आर्-



३. पश्चातापी मी-गीन

मेट्की थाल्ले - खीष्ट येशू, परमेश्वरौ मीजा होसे श्रापित क्रूसाड डऊ योसाड(सट्टाड) सीम डऊ ईडीक धेरै पापकूरी सोटाकन आल्हा ।

दुष्ट भर्मीकूरीए प्रभू येशूकी कोरा का, जूक्यौ मूकूट पूहाकनयाहा । होस्कौ मी-हूट र मीहीलाड निर्दयीखाटा काँटी ठाका । ईजाटन होस्को कानूड पापकूरीओ निमित्त क्रूसाड सीकी छाना । ईसे घटनै सेहेमजा र गहिरो रूपाड पश्चतापी भर्मीकूड मी-गीन र जीवनाड परिवर्तन राकाक्ले । होचेई परमेश्वरौ वचन पढेस्ले : “जसाड होचेई मेल्लाकी ऐनाड डाड्च लेखान डाड्की थाल्ले र लाहाकी भन-भन परमेश्वरलेकीड लोस (टाढा) छान्च र होस्कौ आँग्याकूरी मामन्डीचलेखा थाहा छान्ले । गहिरो शोक, पश्चाताप होस्की छान्ले र होचेई मीकडी र मीराप खाटखाटान परमेश्वरौ अगाडि लाहाकी याहाले अथवा सुम्पडीले । येशूए होस्की मेल्लो खेरेपाड टान्डीकी छान्ले । जब परमेश्वरौ रोह (प्रेम) र शान्ति होचेउ मी-गीनाड परीले तब होचेई ईसे वार्की ठाल्ले परमेश्वरौ मीजा येशूओ हीऊए कान्की पट्ट पापीड शुद्ध पारीले,” (१ यूहन्ना १:७) “भाराच मी-गीन लेचरीकूड पट्टौ खेरेप कहाड्च प्रभु ले ।” भजनसंग्रह (३४:१८) फेरि परमेश्वरौ बचनै ईटो डेले “ डा ईसे भर्मीलाक् डोस्मउँले जो दुःखी(दीन) र चूर्ण मी-मनौ ले, हटई डउ वचन सेयार बरूहूले ।(यशैया ६६:२ ) सेहेच हंसै येशूओ ईसे वचनकूरी डाकमनले-”हे ! मीजा हे नानी ! माराहाड्नी(आनन्द मन्डीनी) नाकूड पट्ट पापकूरी क्षमा छाना । ”ईसे पट्ट काम होचेऊन निमित्त जाटाक्च हो । जब होचेई विस्वासखाटा क्रूसकी ओस्नउँले, जहाँ प्रभू येशूए मेल्लौ अमूल्य हीऊ बहडीमे । होचेई ईसे वार्ले, डऊ निमित्त दुख-कष्ट सहस्कीछाना । ” होस्को कानूड अपराधौ कारन घायल छान्की छाना, र कानूड अधमौ निमित्त चोट लैडीयाक्की छाना ।”

“परमेश्वरै कान् पट्टकी अधर्मकूरीओ लीस (बोभ) होस्को मीटाक काम याहकीछाना ।” (यशैया ५३:५)

सेहेच हंसौ (पवित्र आत्मौ) ट्याड्चै आब होचेऊ छूमछहए न्हेच र मासेहेच मी-गीनकी म्हेपाक्ले । आब होसे शुद्ध पारीमे र येशूओ हीऊए हिँउ लेखा बोचो खासाक्ने । (यशैया १:१८) सेहेच हंसै होसे भित्र गवाही याहाकीछान्ले, डाकी डऊ पापौ क्षमा छान्ले र कहाड्च कृपा डूपार डा परमेश्वरौ मीजा छान्मने । (रोमी ८:१६) आब होस्कौ ईसे पक्का ले “का-काट जसै येशूमीटाक विस्वास जाट्ले होसे नाश माछान्ले , होचेई लोट्च जीवन डूले ”हीजैडेनाड “ येशूआड कान्की होस्कौ हीऊलेकीड छुटकारा अथवा होस्कौ अनुग्रहौ धनअन्सार अपराधकूरीओ क्षमा छान्ले ।” (एफेसी १:७) पापै न्हेच अभिलाषौ जीवन माजीवार आब होसे परमेश्वरौ निमित्त जीउकी र होस्कौ निमित्त सेवा जाट्च गहिरो इच्छा डाले । “ कानै होस्कोकी रोह (प्रेम) जाट्ले, जसै कान्की पहिले रोह (प्रेम) याहाकीछाना ।” आब होचेई संसारीक कूराकूरीआड रोह माडाले, तर परमेश्वरौ कूराकूरीकी रोह जाट्की ठाल्डीले ।

होस्कारन ईसे तस्वीराड खालखालौ पापकूरी संकेत जाट्च जन्तुकूरी आब मी-गीनौ बाहिरीपट्टी ले । होटो डेनाड र शैतान मेल्लौ पहिल्यौ उँचठाड डास्की राजी माले , र फेरि भित्रि केलकी आशा डाम न्हुड्लाक् ल्हेसार ओस्नउँले । होस्कारन प्रभू येशूए कान्की डेकीछान्ले “जागा उँनी प्रार्थना जाट्नी र शैतानौ बिरोध जाट्चै उँनी र शैतान कान्लेकीड भोगडीस्ले ।”

### चौथो चित्र

ईसे तस्वीरै काट खीष्टियनौ बारेआड होड्डीले, जसै कानूड प्रभू र मुक्तिदाता येशूओ बलिदाडलेकीड पूरा शान्ति र



लहीडले, र पनि लोहो मासेहेच कामलेकीड लगतार लोहो मुक्ति - दाता प्रभुकी फेरि क्रूसाड काल्हाकमन उँले । “डाकी हे प्रभू, हे प्रभू, डेच पट्टन स्वर्गौं राज्यआड केलकी माडूप्ले तर होसे केल्ले, जसै डऊ स्वर्गौं बोयौ इच्छा पालन जाटले ।” (मत्ती ७:२१:-२७)

ईसे तस्वीराड कानै काट पैसौ थैली पनि डाड्ले, जून थैली चहीं यहूदा ईस्करयोतीयौ हो, जसै प्रभू येशूकी धोखा याहार तीसवटा चाँदीओ टुक्राड आरलाम याहा, हीजैडेनाड हीलचौ प्रेमै लहीडले, र पनि लोहो मासेहेच कामलेकीड लगतार लोहो मुक्तिदाता प्रभुकी फेरि क्रूसाड काल्हाकमन उँले । “डाकी हे प्रभू, हे प्रभू, डेच पट्टन स्वर्गौं राज्यआड केलकी माडूप्ले तर होसे केल्ले, जसै डऊ स्वर्गौं बोयौ इच्छा पालन जाटले ।” (मत्ती ७:२१:-२७)

ईसे तस्वीराड कानै काट पैसौ थैली पनि डाड्ले, जून थैली चहीं यहूदा ईस्करयोतीयौ हो, जसै प्रभू येशूकी धोखा याहार तीसवटा चाँदीओ टुक्राड आरलाम याहा, हीजैडेनाड हीलचौ प्रेमै होचेऊ मी-गीन छ्याक्च र अन्धो छान्नीया । लाल्टिन, साड्ला आदि केटाक्नीया, जसै नाबीक येशूकी घोमीया, पासा विशेष जाटन जूवा गेस्च कामाड केटाक्च जाटले । सीपाहीकुरीए होसेन पासौ प्रयोग जाटार प्रभू येशूओ बढीनाड चिट्ठा लैडीया, र ईटोजाटन परमेश्वरौ भविश्यवाणीओ वचन पूरा छान्की राहा “होस्कुरीए मे-मेल्लाड डऊ बढीन पूडा र डऊ बील्महौ निमित्त चहीं होस्कुरीए चिट्ठा का ” (भजनसंग्रह २२:१८) होस्कुरीए येशूओ पट्ट थोक त आल्हा तर होस्कोकी ईटोडेम ईन्कार जाटा “कान्मीटाक शासन जाटकी ईसे भरमी कान्की माचहस्ले ।”

धेरै लेखा भरमीकुरी परमेश्वरीड खाल-खालौ आसिककुरी डूकी इच्छा जाटले- नाम्सु, वर्षा (नामास) नाड्खानौ

ताप आदि । तर होस्कुरी मेल्लाचहीं परमेश्वरौ अधिनाड उँकी मामन्डीले । धेरैजानौ निमित्त परमेश्वर आपतविपतौ र निरासौ समयआड मात्रा काट सहायता जाट्च रूपाड छान्कीछाना डेनाड छान्ले ।

सिपाहीकुरीए येशूओ मीकोखाड भाक्लै घोंचडीया र होडीक्नखेर होटीड हीऊ र डी ख्योहा (यूहन्ना १९:३३-३७) ग्वा-भाल्या राक्की डेनाड पहिले पत्रुसै सोमपटक येशूकी ईन्कार जाटा, तर न्हुनीड मी-छाती डूडन-डूडन रापार पश्चाताप जाटा । ही नाकै येशूकी लोहो वचन र कामलेकीड स्वीकार जाटकी छान्ने ? येशूए डेकीछाना-“होस्कारन हरेक जसै डाकी भरमी कुरीओ सामु स्वीकार जाटले, डा र होस्की डऊ स्वर्गाड लेच बोयौ सामु स्वीकार जाटले । तर हरेक जसै डाकी भरमी कुरीकूड अघेर (सामू) ईन्कार जाटले ।” (१०:३२-३३) येशूए ईसे पनि डेकीछाना-“जसै क्रूस सोटाकार डऊ न्हुनीड माह्वाले, होसे डै जाक्च माछान्ले ।” (मत्ती १०:३८) होस्कुरी धन्यौ हो, जो खीष्ट येशूआड अथवा चट्टानाड पक्का छान्मउँले ।

### पाँचौ चित्र

परमेश्वरौ प्रशस्त निगाह र प्रेमै जीवाट्च, सेहेच र शुद्ध पारीच काट पापीओ मी-गीन ईसे तस्वीरै टान्हाक्ले । ईसे मी-गीन आब परमेश्वरौ सेहेच थान (मन्दिर) अथवा पिता, पुत्र र पवित्र आत्मौ उँच ठाड छान्मने । ईसे विषयाड प्रभू येशूए ईटो डेचै बाचा जाटकी छान्नीया “सूएर डाकी रोह(प्रेम) जाटले डेनाड होचेई डऊ वचन पालन जाट्चले, होटई डऊ बोए होस्की रोह (प्रेम) जाटकी छान्चले र कान होस्कोलेठाड राहाचले र होसेखाटा बास उँचले ।” (यूहन्ना १४:२३) परमेश्वरै भरमी कुरीकी आसीक याहार मीटाक सोटाक्न आल्की छान्ने ।” (लूका १:५२)



५. ईसे मी-गीन परमेश्वरौ मन्दिर हो

ईसे मी-गीन परमेश्वरौ साँच्चै थान (मन्दिर) छान्मने । ईतै पाप ख्योहाक्ने । भूठौ बोई शैतानलेकीड खाल-खालौ जन्तुकूरीए शासन जाट्च मी-गीनाड आब कान् पवित्र आत्मा, सत्यौ आत्मा बासउँच डाड्ले । पापौ मासेहेच बैठकौ सट्टा आब होचेऊ मी-गीन सेहेच (मजूड) मीस्या स्याहाच (फलस्याहाच) गाछी अथवा बगैचा लेखा छान्मने । होचेई आत्मौ मीस्या (फल) स्याहाक्ले, जस्तै, प्रेम, आनन्द, शान्ति, धीरज, दया, भलाई विस्वास, नम्रता, संयम र ईन्चन परमेश्वर र भरमीकूरीकी जाक्च सेहेच गूणकूरी । आब होसे सच्चा अङ्गुरौ फल स्याहाक्च डाला छान्मने । जून दाखौ बोट कानूड प्रभू येशू खीष्ट मेल्हानै हो । ईसे फल स्याहाच रहस्य ईसे हो, होसे खीष्टाड उँले र होस्कौ वचनकूरी होस्वाटा उँले । (यूहन्ना १५:१-१०) सेहेच हंसौ/पवित्र-आत्मौ भरपूरी र बप्तिष्मा डूप्चन्हनीड हा शारीरिक अभिलाषामीटाक जूच फेस(शक्ति) ले । सेहेच हंसौ/पवित्र आत्मौ फेसै होसे आत्मिकाड ह्वाकी र शरीरमीटाक जूकी फेस(शक्ति) डूप्मने । होसे अब सेच भराड, डाड्च भराड र लोहो मी-मन अन्सार माह्वाले, तर विस्वासलेकीड जीवन जीले अथवा बितडीले, हीजैडेनाड खीष्टमीटाक विस्वास जाट्की नै जूकी हो । “मी-गीनाड सेहेच (शुद्ध) छान्चकूरी धन्य हो, हीजैडेनाड होस्कूरीए परमेश्वरकी डाड्ले ।” (मत्ती ५:९)

दाउद राजै मेल्हौ पट्ट धनसम्पत्ति र लोहो शत्रुकूरी मीटाक जूनाड(जित्डीनाड) र पनि ईसे वारहा पट्टडेनाड कहाड्च युद्ध त होचेऊ मेल्होनै मी-गीन भित्रि केस्तउँमीया । लोहो मी-मनकी चहस्चकूरी आरमेट्चै होचेई ईसे प्रार्थना जाटा “हे परमेश्वर डा भित्रि शुद्ध आत्मा खास्नयाहानी र डा भित्रि उँमउँच नैयाँ हंस अट याहानी ।” (भजनसंग्रह) ५१:१०) सूर र पनि लोहो मी-गीनकी सेहेच पारीकी वा नैयाँ खासाक्की माह्योक्ले,



खाली दाउद राजै जाट्च लेखान नाकू परमेश्वरलेठाड राहार डाकी काट नैयाँ मी-गीन अट छ्योहाकन अथवा खास्ती याहानी डेम होस्कोखाटा सच्चा पश्चतापखाटानै प्रार्थना जाता उनाड मात्र ईसे छान्की ह्योक्ले । परमेश्वर नाकूड जीवनाड नैयाँ कूरा जाट्की जाक्की छान्ले । देखावटीए न्हेच नाकूड लोहो धर्मकर्मआड आड डाआर नाकूड मी-गीन कहाड्च परमेश्वरौ उँच ठाड माछान्ले । हीजैडेनाड होसे धर्मकर्म परमेश्वरौ निम्ति थोत्रो बढीनलेखा ले । परमेश्वरै मात्र नाकूकी डूस (सहायता) जाट्की ह्योक्ले । हीजैकी बाचा जाट्कीछान्च होस्कोन हो, जसै डेकीछाना- “डा नाहाकूरीमीटाक चोखो डी छीम्कडीम याहाले, नाहाकूरी सेहेच (शुद्ध) छान्चले । ईजाट्चन डा नाहाकूरीकी पट्ट अशुद्ध र मूर्तिकूरीलेकीड शुद्धपारीमयाहाले । हटई डा नाहाकूरीकी नैयाँ मी-गीन याहाले र नाहाकूरी भित्रि नैयाँ हंस (आत्मा) कामयाहाले । हटई नाहाकूरीकूड ल्हूडौ मी-गीन छ्योहकार स्यायौ मी-गीन याहाले । हटई डा लोहो हंस (आत्मा) नाहाकूरी भित्रि काआर नाहाकूरीकी ईन्च जाट्मयाहाले-नाहाकूरी डऊ बिधिआड ह्वाले र डऊ नियमकूरी मन्डीयार होसअन्सार जाट्चले ।” (ईजकीएल ३६:२५-२७) ईसेन नैयाँ नियमौ बाचा हो, जून बाचाचहीं परमेश्वरै मेल्लो मीजा खीष्ट येशूओ हीऊलेकीड छाप लैडीमे ।

ईसे तस्वीराड कानै सर्गदूत फेरि पनि प्रकट छान्च डाड्मन ले । सर्गदूत होस्कूरीओ सेवौ निम्ति नियुक्त जाटाक्च हो, जो लोट्च (अनन्त) जीवनौ भागीदार छान्मने । सर्गदूतकूरी परमेश्वरौ बीरम्ह(डर) मन्डीचकूरीकी रक्छ्या र सेवा जाट्ले । (भजनसंग्रह ३४:७, हिब्रू १:१४)

कानै ईसे तस्वीराड शैतानकी पनि खेरेपन टोड्न्हउँच डाड्ले, मन्डीड कि होसे मेल्लो पहील्यौ उँचठाडाड फेरि केल्ली

मौका पामउँमे । होस्कारन कानै आँग्या डूप्ने, जागा उँनी, प्रार्थना जाट्नुँनी, हीजैडेनाड नाहाकूरीकूड विरोधी शैतान, सूकी डूपीड र मेलेट्कीकेटीड डेम गर्जस्च सिंहलेखा पामन ह्वाले ।” (१ पत्रुस ५:९) कूडीकखेप शैतान ज्योतिओ भेष लाआर बेहोसिया-रीखाटा ह्वाचकूरीकी संसारौ मासेहेच अभिलसाकूरीआड मोहित पारीयार लोहो धूर्त्याईए झुकडीले, ईलासम्म कि विशेष चून्डीच जनकूरीकी पनि धोखा याहाकी कोशिस जाट्ले । होस्कारन कानै शैतानकी हकारडीड, च्याकीड तब होसे कान्लेकीड भोगडीस्ले । (याकूब ४:७)

### छैंठो चित्र

ईसे काट विस्वासीड न्हूड्लाक् सरीस्की पाच भरमीओ रो-रो सेच, दुःख सेच तस्वीर हो । होचेऊ काट मी-मीक बन्द छान्की पामन ले । होचेई होसे खीष्टियन जीवनाड रीड्न्हन नूड्च कूरा टान्हाक्ले । होचेऊ अको मी-मीक माकाराम चारैलाक् ओँस्नुँवार संसारकी रोह(प्रेम) जाट्कीआड भूलीमउँमे । होचेऊ मी-गीन ज्योति छूम्ह छान्ने र होसे खीष्टखाटा दुःख भोगडीकी तयार माले र आब लेकीड खीष्टखाटा ह्वाकी तयार पनि माले । होस्की परीक्छ्याकूरीए घेरीमे, होस्कूरीकूड बिरोध जाट्की सट्टा होस बिस्तारै-बिस्तारै परीक्छ्याड हारीस्चै नूड्मने । परमेश्वरौ वचन सेकी सट्टा होसे आब शैतानौ मासेहेच कूरापट्टी ध्यान याहाकी ठाल्ने । होटो छान्नाड पनि होसे अफ धार्मिकतौ भेष लाले र मेल्लौ सांसरीक कूराकूरीकी आरचूकार मण्डली(चर्च)आड नूड्ले ।

होचेऊ मी-गीनाड परमेश्वरौ रोह (प्रेम) रीड्न्हभ्यामे । होसे दोधाराड परीच नीसचित्तौ छान्मने । परमेश्वरकी रोह (प्रेम) जाट्ले डेच बाहाना लाआर होसे संसारखाटा रोह जाट्की ठाल्ले ।



## ६. परीक्षा र दोधाराड परीच मी-जीन

होचेऊ मी-गीनौ टूगा (तारा) अथवा विवेक छूम्ह छान्मने । होचेई आब होसे क्रूस खूसीखाटा मासोटाक्ले, तर होसे होचेऊ जीवनाड वाक्क लगडीस्च भारी मात्र छान्मने । होचेऊ विस्वास डगमगडीस्की पामे । परमेश्वरखाटा प्रार्थना, संगति र बातचित जाट्की होचेई बन्द जाट्मने । लोहो मी-गीनौ अवस्थौ बारेआड बेहोसी र लापवाही छानार होचेई बिस्तारै शैतानकी मेल्लो मी-गीनाड ठाड याहामन ले । होसे सच्चा विस्वासीकूरीकूड संगतिआड डेनाड सांसरीक संगतिआड धेरै आनन्द लाले ।

मजरौ आत्मा, जो घमन्डौ चिन्ह हो, होसे भिन्नि परीकी पाले । होचेई परमेश्वरौ अनुग्रहै मात्र मुक्ति डूप्च हो डेच कूराकी म्ठ्याकार होसे आब काट घमण्डी खीष्टियन बन्डीस्की ठाल्ले । मासेहेच-मासेहेच शारीरिक बिचार र फोहोरी कूराकूरी फेरि होचेऊ मी-मनाड राहाकी ठाल्डीले । होचेई फेरि बारम्बार अनैतिक ठट्टा जाट्की, फोहोर तस्वीरकूरी ओंस्की, खराब संगत जाट्की र ईन्चन स्याहामा (नाच) ल्हीड, मोजमस्तीआड आनन्द र चाख मन्डीम शैतानौ मामजूड सूभाबकूरी मेलेट्की ठाल्ले, जसै ईटो डेले-ईसे त छान्चकूरान हो । ईडीक जाट्की त पापनै होइन ।

ईसे कूरा (बात) सत्य हो । शैतान र मामजूड बिचार कानूड मी-टालू मीटाक भूरकीलेकीड रोकडीकी माट्टयोक्ले । तर यदि कानै होसे दुष्ट ग्वाजाकी कानूड मी-गीनाड गुंड खासार उँकीयाहा र दुष्ट मासेहेच कामौ मी-ग्वाजाकूरी छ्यूक्की याहा डेनाड कान् ईसे कुराड दोष छान्ले । यदि शैतानकी कानै कान्छी मी-औला मात्र याहा डेनाड जम्मै मी-हूट घोवार कानूड हंस (आत्मा)की लोट्च जसौ मीट्हुम न माले होसे नरकाड ठाहाक्ले । होस्कारन कानकूरीकी परमेश्वरौ गम्भिर चेतावनी ईसे ले- कान जवानीओ अभिलाषालेकीड भोगडीसीड, र ईचेई कान्की जूनसूकै रूपाड लोभडीनाड र पनि कान होला अट माफँस्डीड, कान्


येशूलेठाड खेरीड जो कानूड उद्धारक र बिजयी हो । तस्वीराड टान्हाक्च होसे भरमी जसै छूरीए मी-गीनकी ख्वाक्मउँमने । खीष्ट येशूमीटाकौ विस्वास्की ठट्टाड भूरूक्च र माजाक्च अथवा बिरोध जाट्च भरमीकी संकेत जाट्ले ।

दोष लैडीच मेलेट र खिसी जाट्च बूरलीनै (मी-ओँठै) दुष्टकूरीए होसे खीष्टियनौ दोधाराड परीच मी-गीनकी हमला जाट्ले । हटई होचेई चेत ज्याम सहस्की माह्योकार हार ज्याकीपरले । होचेई परमेश्वरौ डेनाड भरमीलेकीड धेरै बीहीकी ठाल्लडीले । भरमीए ही आडेई, ही आ-जाटई डेच बीरूहौ (डरौ) कारनै होसे भरमीकूरीओनै दास छान्ले । अनि परमेश्वरलेकीड लोस छान्चै नूड्ले । आपत-बिपतौ र निरासौ समयाड मीरीस, मीभ्रोंक भित्रि केलकी हत्ते जाट्ले । अरू भरमीकूरी मेल्हा, डेनाड सफल र सेहेच छान्मन नूड्च डाडहार ईष्यौ होसे दुष्ट बूल (शैतान) एक्कासी मी-गीन भित्रि केल्लेहे । यदि सूएर होस्की चेक्जा मौका याहा डेनाड होचेई घृणा र घमण्डीकी गलाम फोम याहाले ।

यदि कानै प्रभू येशूओ चेतावनीआड ध्यान मायाहाले डेनाड, हील्च (रूपैयों-पैसौ) लोभ सजिलैखाटा मी-गीनाड केलकी ह्योक्ले । प्रभू डेकीछान्ले -“जागा उँनी, प्रार्थाना जाट्नी कि नाहाकूरी परीक्छ्याड मापरीन्ही ।” (मत्ती २९:४१) “होस्कारन डा खडा ले डेच जसै आरूमेटले, होसे अट होसियारी छान्कूस, नत्रडेनाड होसे कूरूहूले ।” (कोरिन्थी १०:१२) कान् परमेश्वरै पट्ट हतियारकूरी अट लईड जसलेकीड कानै शैतानौ बिरूद्धाड टोड्की ह्योक्ले । (एफीसी ६:११-१९)

### सातौं चित्र

ईसे तस्वीरै विस्वासलेकीड पूरा न्हुनीड हटस्मभ्याच भरमीकूड मी-गीनौ अवस्थाकी टान्हाक्ले । काखेप खीष्ट येशूआड



७. विश्वासलेकीड न्हूइलाक ल्हेस्नठ्याच वा कडा खासाक्च मी-गीन

लेच मुक्तिओ ग्याँन डूपार होचेई स्वर्गौ आसीककूरी म्याड्न भ्यामीया र सेहेच हंसौ (आत्मौ) सहभागी छान्नीया, तर आब होसे खत्तम छान्नभ्यामे । होसे भर्मीए सेनर पश्चताप र परमेश्वराड मेल्हाकी अर्पण माजाट्चलेखा ईसे तस्वीरै टान्हाक्ले । होटोडेनाड र पनि सुसमाचारौ सत्यता, जस्की 'सेहेच खबर' डेले, ईसे होचेऊ अघेर (सामु) प्रकट जाट्मन्या । होन्च भर्मीकी परमेश्वरै सल्लाह याहानाड होचेई मी-गीन कडा पारीले । होचेऊ सुधारौ निम्ति जतिसूकै कोशिस जाट्नाड र होसे भन-भन मासेहेच (खराब) छान्मन नूड्ले ।

विस्वासलेकीड ल्हेस्न भ्याचकूरीओ बारेआड प्रभू येशू लहैन होस्कूरीकूड अवस्थौ बारेआड ईटो डेचै डेकीछान्ले - "मासेहेच हंस भर्मीलेकीड ख्योहोच न्हुनीड होसे ओवानो छान्च ठाड म्हुड बाट्की पाकीठाल्ले । अनि कूलाक र माडूपा डेनाड होचेई डेले "डा ख्योहार राहाच डऊ ईमाड ल्हेसार नूड्ले" हटई राहार होचेई सीटार डाच चीटीक्क पारीच डूले । तब होसे नूड्ले र मेल्हा डेनाड भन मासेहेच दुष्ट अरू सातवटा हंसकूरीकी खाटखाटान राक्ले । अनि होसे मासेहेच दुष्ट हंसकूरी भित्रि परीयार बास उँले । हटई त होसे भर्मीकूड दसा पहिल्यौ डेनाड भन मासेहेच छान्ले । (लूका ११:२४-२६) ईसे सत्य उखान (आहान) अन्सार होस्कूरीकी छान्मने- "चीऊ फेरि मेल्होन बान्तालाक् ल्हेसा, र नहस्च भूनी फेरि आहाल गेस्की ल्हेसा ।" (२ पत्रुस २:२२)

पवित्र बाइबलौ ईसे अंशै विस्वासीड न्हुनीड ल्हेस्च वा पश्चाताप माजाट्च पापै न्हेच मी-गीनौ अवस्थाकी सेहेमजा होड्डीले । पापै मेल्हौ पट्ट खालौ धोखाबाजी खाटखाटानै मी-गीनाड उँकी र ईस्की लाकी र लोहो अधिनाड डाकी राहामे ।

ईलासम्म कि होचेऊ मी-टाहाए र होचेऊ मी-गीनौ अवस्थाकी पनि टान्हाक्ले । मी-गीन काटन समयाड परमेश्वरौ थान वा शैतानौ ओडार नीसैन छान्की माट्योक्ले । ईला स्वर्गदतै परमेश्वरौ वचन राक्नीया तर होसे ठाड डास्की परीमे, होटोडेनाड पनि होसे भर्मीए बा पश्चाताप जाट्ले कि डेम न्हुड्लाक् ल्हेसार ओँस्नउँमने । जसरी बाइबलाड उडन्त-पुत्रै जाटा । "डा सोवार लोहो बोईलेठाड नूड्ले र होस्कोकी डेले, लो बोई, डै स्वर्गौ र नाकूड बिरूद्धाड पाप जाट्मने । आबलेकीड डा नाकूड मीजा डेकी र माज्योस्ले, डाकी नाकूड जेलादारी नोकरकूरीमध्ये काट छान्की अट याहानी ।" होसे बोए लोहो मीजै पश्चाताप जाट्च डाड्हार क्षमा याहा ।

तर ईसे तस्वीराड ओँस्नाड वार्ल्हे कि ईसे मी-गीनाड कूसै सच्चा पश्चातापौ चिन्हसम्म पनि माले । सूर पनि परमेश्वरलाक् माल्हेस्ने र सूर पनि येशूओ चरनाड राहार क्षमौ निम्ति मालेन्ने । होचेऊ मेन-केप(मेनकेट) ले तर येशूओ नम्र आवाज सेकी माट्योक्ले । होचेऊ मी-मीक ले तर नरकौ होसे नरक-कूडकी होचेई माडाड्ल्हे । जो होस्की पटक्कै काराम (शर्म) माले । शैतान होचेऊ मी-गीनाड उँकी राहामने । हटई राजालेखानै मेल्हौ सिहासनाड उँमने । ईसे पनि छान्की ट्योक्ले कि अर्भै पनि बाहिरी डाड्च देखावती धार्मिकाड लाहाकी काट भलो र सेहेच भर्मी छान्च आरमेट्ले । तर आब होसे केवल चूनै लाक्च लूमरा (चिहान) लेखा मात्र हो- "जो बाहिरीलाक् सेहेच डाड्ल्हे तर भित्रिलाक् चहीं मूर्दाकूरीकूड हड्डीकूरी र पट्टन मासेहेच कूराकूरीए न्हेच छान्ले ।"

भूठौ बोए सत्यौ आत्मौ ठाड लामउँमने । का-काट भर्मीकी मासेहेचौ संगति डूप्नने, जसै होचेऊ मी-गीनाड अधिकार जमडीमे । होटोडेनाड पनि होच्यै मेल्हाकी ईसे दुष्ट मासेहेच हंस -

कूरीलेकीड स्वतन्त्र छान्की चहस्ले तर होस्कूरीए होस्की छ्याक्मन डाले । “मोशौ व्यवस्थाकी पीचीच भरमी नीस वा सोम जनौ गवाही कूरीओ कारनै सीले डेनाड आब बिचार जाटीड त,परमेश्वरौ मीजाकी मीहीलम्होकी पीचीच र मेल्हाकी सेहेच पारीच करारौ हीऊकी मासेहेच कूरा डेच, र अनुग्रहौ हंसकी अपमान जाट्च भन कूडी धेरै दण्डौ योग्य ठहरस्चले ।”

यदि ईसे तस्वीर नाकूड मी-गीनौ अवस्थाखाटा खाट्ले डेनाड प्रिय लाफा, ढीलो माजाट्मन भित्रि मी-गीनीड परमेश्वरकी अट आर्घानी । “ होस्कै न नाकूकी पट्ट रूपै डासाक्की (उद्धार जाट्की) ह्योक्ले । ” यदि नाकू सच्चा पश्चातापी मी-गीन लाआर परमेश्वरलेठाड राहाकीछाना डेनाड र लोहो भूल मन्डीया डेनाड होस्कै नाकूड पट्ट पाप क्षमा याहाकीछान्ले । यदि नाकै होस्कोकी ईसे काम जाट्की याहा डेनाड होस्कै शैतान र होचेऊ पट्ट दुष्ट हंस(आत्मा)कूरीओ फौजकी छ्याक्की छान्ले र होस्कूरीकी नाकूड मी-गीनीड बाहिर ख्योहाक्नयाहाले । नाकू पनि होसेन कोरीलेखा राहानी, जसै येशूलेठाड राहार डेया-“नाकै इच्छा जाट्कीछाना डेनाड डाकीसेहेच (शुद्ध)पारीकी ह्योक्कीछान्ले ।” (मर्कूस १:४०.४१) यदि नाकै लोहो मी-गीनकी कठोर खासा डेनाड र ट्याड्च (ज्योति)की डेनाड छूम्ह (अन्धकार)की धेरै जाकाडेनाड नाकूड निमित्त कूसै आशा र सहारा माछान्चले । हीजैडेनाड नाकै जीवनौ सट्टाड मृत्युकी रोज्डीकी छाना । “हीजैडेनाड पापौ जेला सीकी(मृत्यु) हो ।” (रोमी ६:२३)

### आठौं चित्र

ईला कानै अल्याड् टल्याड् जाट्च पापी र विस्वासलेकीड न्हड्लाक हट्डीस्च भरमीकी सीकी पाच अवस्थाड डाड्ले । चाँहा होचेऊ मी-मन मृत्युओ बीरम्ह (डर) र दुःखै न्हेनने । काल अचा



८. पापी भरमीओ काल अनि डण्ड

नक मासोंच्छीच समयाड टाराहामे । आब होचेऊ कहाड्च जेला होचेई डूक्की परीमे । नरकौ पीडै लोहो शिकारकी घोमउँमने । चाँहा होचेई परमेश्वरखाटा बिन्ती जाट्की मी-मन जाट्ले, तर ईडीक समयठर परमेश्वरौ रोह (प्रेम)की लत्तडीच छान्चबाटे होचेई परमेश्वरखाटा मेलमिलाप डाकी माडूप्ले । होचेऊ पहिल्यौ लाफाकूरी आब होचेऊ खेरेपाड टोड्की पनि बीरहीले र मरल्याड (रित्तो) बचनै होस्की हीर सान्त्वना पनि माडूप्ले । होचेई जीवनभरि सीम-सीम अरजडीच (कमडीच) सम्पत्ति न त होचेऊ आयू लोटाक्की ह्योक्ले न होचेऊ प्राण जीवाट्की ह्योक्ले । नत भड्कस्च हंसकी हीर आराम नै याहाले । होस्की आब परमेश्वरलाक् राकाक्की असम्भव ले । आब परमेश्वरलाक् ईन्च जाट्की मौका माडूप्ले ।

जून चीज होचेई रोह (प्रेम) जाट्नीया र जसौ निमित्त होसे जीमीया, होसे पट्ट कूरा छीनीड होचेऊ निमित्त श्रापित छान्ने । ईलासम्म कि लोहो भरमीकूरी र पण्डितै होस्की डूस (मद्दत) जाट्की माह्योक्ले । होस्की आव ईसे अनुभव लगडीसले-“जीवीत परमेश्वरौ मी हूटाड परीकी बीरम्हसेच कूरा हो ।”(हिब्रू १०:३१) होचेई आशा जाट्नीया, कायाक, कूसै सजिलो परच समयाड अथवा सीच बेलाड डा परमेश्वरखाटा हिसाब अट आखाटकै,तर आब होचेई वार्ले, साँचचीन ठीलो छान्न्भ्यामे र आब हीर पनि जाट्की माह्योक्ले । हजारौँ भरमीकूरी अचानक सीले र परमेश्वरकी पाकी कूडीक पनि मौका होस्कूरीकी माडूप्ले । होस्कारन ईसे जरूरी ले, होचेई परमेश्वरकी पाकीकेटकूस हीजैडेनाड होचेई अट डूक्कूस । परमेश्वरौ मुक्तिओ शान्तिओ बचन सेनाड पनि होचेई लोहो जीवनकालाड परमेश्वरौ निगाह र रोह (प्रेम)की मामन्डीया । आब ईचेऊ योसाड/सट्टाड ईसे सीकीपाच पापीए न्यायकर्ता (न्याय जाट्चौ) आवाज सेमउँमने ।

होस्कै ईटोडेम डेकीछान्ने-“हे श्रापीतकूरी, शैतान र होचेऊ दूतकूरीओ लागि जोहो(तयार) पारीच अनन्त म्हेआड डालेकीड हटडीस्कीकेटो ”। (मत्ती २५:४१)“भरमीओ निमित्त काखेप सीकी(मरण) र होस्हनीड ईन्साफ जोहो जाट्मने ।” (हिब्रू ९:२६)

### जवौं चित्र

ईसे तस्वीरै खीष्ट येशूमीटाक विस्वास जाट्च भरमीकूड जीवनाड परीक्छ्या र जाँचकूरी राहानाड होचेई सहस्च र जूच टान्हाक्ले । जब चारैलाकीड परीक्छ्याकूरी राहाले तब होसे मागान्हे । तर स्थिर उँले र अनन्तसम्म सहसार प्रेम जाट्च खीष्ट येशूलेकीड जूचकूरी डेनाड पनि जूमन नूड्ले । होचेई खेरकी शूरू जाट्च मात्र होइन, तर होसे ईला अघेर (अगाडि) नूड्नउँले र माहारीस्न खेरनउँले । न त होसे दाँया ल्हेस्ले न त बाँयानै,“तर विस्वासौ मालिक र सिद्ध खासाक्कीछान्च येशूकी मात्र ओँस्ले ।” (हिब्रू १२:१२)

शैतान लोहो पट्ट सेनाखाटा विस्वासी मी-गीनकी चारैलेकीड घेरीले र बहकडीकी कोशिस जाट्नउँमने । घमण्ड, पैसौ लोभ, व्यभिचार र ईन्चन अरू-अरू कूराकूरी पनि ईला टान्हाक्मने । राँध्वौ ठाडाड कान् चाँहा गधाकी डाड्ले । हीजैडेनाड कूडीकखेप पाप कान्लेठाड खाल-खालौ रूपाड डाड्ले । तर जागा र चनाख छान्न्उँच खीष्टियनै धार्मिकतौ भेषाड राहाच वा ट्याड्चौ (ज्योतिओ) दूतौ रूप नै लाआर राहानाड र चिन्डीकी ह्योक्ले । हीजैडेनाड परमेश्वरौ वचन र सत्यौ हंसै होस्की पट्ट सेहेच सत्यताड डोरडीच छान्ने ।

खाल-खालौ जन्तुकूरी बाहेक कान् ईला तस्वीराड रक्सीओ गीलास मी-हूटाड लाआर स्याहामउँच काजाना



जाँचकूरीआड जूचले । होचेई महिमौ मूकूट र डूप्ले । होचेऊ विवेक-होसे मी-गीनौ टूगा(तारा) सेहेच सफा र चम्किलो ले । होचेऊ मी-गीन विस्वास र सेहेच हंसै न्हेप्पने । परमेश्वरौ वचनै होस्की होसे बहूमूल्य वाचाकूरीकी आरमेटाक्ले, जो जूचकी अथवा अन्तिमसम्म स्थिर उँचकी आशिकौ रूपाड याहाचले । “जसै जूले होस्की परमेश्वरौ स्वर्गलोकाड लेच जीवनौ गाछीओ (रूखौ) फल डा ज्याकी याहाले ।” “जसै जूले, होस्की दोस्रो मृत्युलेकीड कूसै हानी माछान्चले ।”

“जसै जूले, होस्की आरचूकार डाच ज्यामा (भोजन) याहाले र डा होस्की बोचो ल्हूड(पत्थर) याहाले, होसे ल्हूडाड काट नैयाँ म्यारमीन रीक्च छान्चले, जो डूप्चकै बाहेक अरू सूर मावार्ले ।” “जसै जूले र डऊ कामकूरीकी आखिरीसम्म डामडाले, होस्की ईजाटन बोचो बढीन बील्हाक्नयाहाले र डा कूटैजाटन पनि र होसे, म्यारमीन जीवनौ पोस्टकीड मेटडीम मायाहाले, डा होचेऊ म्यारमीन डऊ बोयौ अघेर (सामने) र होस्कौ दूतकूरीकूड सामने स्वीकार जाटले ।” “जसै जूले, होस्की डा डऊ बोयौ ठानाड (मन्दिराड) खाँभा खासाक्न याहाले, र होसे फेरि होटैलेकीड बाहिर माख्योहोले ।” “जसै जूले डा होस्की डऊ सिंहासनाड खाटान उँकी याहाचले, जसरी डै पनि जूवा र डऊ बोईखाटाहोस्कौ सिंहासनाडउँमे ।” (प्रकाश २:७, ११, १७, २६, ३:५, १२, २१)

पैसौ होसे फोमउँच थैलीए होड्डीले कि होचेई मेल्लौ मी-गीन मात्र होइन तर जम्मै धनसम्पत्ति पनि परमेश्वराडनै समर्पित जाटमने । लोहो सांसरीक धनसम्पत्ति म्हास्की सट्टा, होसे गरीपकूरीकूड डूस (सहायता) जाटले र जे लाहाखाटा ले होसे पनि परमेश्वरौन महिमा छान्च कामाड खर्च जाटले । रोटो अनि

डीस्याए होचेई काट सेहेच (शुद्ध) मजूड र माहडबडीम जीवन जीच संकेत जाटले । होच्यै म्होरचकूरा गाआर वा हीऊ गाआर, मी-घाँटी म्हाराकार साट्च स्या ज्याआर मेल्लहाकी बिटूलो मापारीले । होच्यै लोहो पैसाकूरी मासेहेच कामाड माम्हास्ले । न त लोहो जीउकी (जो परमेश्वरौ ठान हो ) नशा लगडीस्च ऊसा ज्याआर मासेहेच (अशुद्ध) पार्ले । तर सेहेच र पोषिलो ज्यामा ज्याले । होचेऊ मेल्लहौन मी-गीन प्रार्थना जाट्च ईम छान्मने । जेसूकै छान्नाड र जस्तो दिन छान्नाड र पनि होसे मण्डली(चर्च)आड अरघयाहाकी अथवा आराधाना जाट्की नूडनउँले । होचेई प्रार्थनाड भाग लाकी जाक्ले । चहीं परिवाराड चहीं मेल्लहौन कोठाड हीजै अट माछान्कूस् । हीजैडेनाड होस्की थाहा ले कि काट सच्चा खीष्टियन जीवन, प्रार्थनाड परमेश्वरखाटा संगति माजाटमन उँकीनै माह्योक्ले ।

होसे फोवारउँच पोस्टकै बाइबल धर्मशास्त्र होचेऊ निम्ति सधैं फोमउँच पोस्टक हो डेम होड्डीले । होच्यै ईसे दिन प्रतिदिन पढेस्ले र ईला होचेई बुद्धि, बल, जीवन, ज्योति र डेकी माह्योक्च धन डीन्हे । आब परमेश्वरौ बचन होचेऊ निम्ति मीहीलौ निम्ति लाम टान्हाक्च बत्ति छान्मने र काट तरवार पनि छान्मने, जसलेकीड होचेई मेल्लहा शत्रु मीटाक जूले । ईसे होचेऊ हंसौ निम्ति दिनदिनौ ज्यामा हो । ईसे वचन डी पनि हो, जसै होचेऊ आत्मिक डीसोन (तृष्णा) मेट्डीले र डीए नहस्च लेखा होस्की सेहेच (शुद्ध) पारीले । परमेश्वरौ वचन ऐनालेखान हो, जसाड होचेई मेल्लहाकीनै डाड्ले ।

होसे मेल्लहौ क्रूस खुसीखाटा सोटाक्ले, हीजैडेनाड होस्की ठाहा ले, क्रूस माबूम अथवा कष्ट माडूप्न ईनाम माडूप्ले । होस्की ठाहाले-सीचकूरीलेकीड बौरस्न सोच खीष्टखाटा विस्वासाड काट छानार र शक्ति डूपार काट नैयाँ चालाड ह्वाकीपर्ले । आब



होच्यै स्वर्गों कूराकूरी पाकी ठाल्ले, संसारौ नास छान्च कूराकूरी होइन । होसे परमेश्वरकी डूट्की (भेट जाट्की) सधैं तयार छान्ले । होसे डीओ खेरेपन रोण्डीच बिरूवा(गाछी) लेखा ले, जसै ठीक यामाड/समयाड मीस्या (फल) स्याहाक्ले, होसे दाखौ डाला लेखान ले, जसै प्रशस्त फल याहाले । होचेऊ मी-गीन सेहेच-हंस (पवित्रात्मा) परमेश्वरौ सिद्ध प्रेमै न्हेचबाटे होस्की मृत्युओ कूसै बीरम्ह माले ।

### दशौ चित्र

प्रभु येशू डेकीछाना- “बौरीसोट्मा(बौरीउठाई) र जीवन डान हो, जसै डामीटाक विस्वास जाट्ले, होसे सीया डेनाड र जीवाट्चले, हटई जो जीवाट्ले र डामीटाक विस्वास जाट्ले, होसे सेन्र मासीले ।) (यूहन्ना ११:२५-२६) “जसै डऊ वचन सेले र डाकी बीनकाच (बीन्च) मीटाक विस्वास जाट्ले, होस्खाटा लोट्च (अनन्त) जीवन ले, र होसे न्यायआड मापर्ले, तर सीच(मृत्यु)लेकीड जीवनाड सरीस्न भ्याच छान्ले ।” (यूहन्ना ५:२४) खीष्टियनाड मृत्युओ हीर बीरम्ह माले ।” “ए मृत्यु नडो खील कूला ले ? .....तर परमेश्वरकी अट धन्यवाद, जसै कानूड प्रभु येशू खीष्टलेकीड विजय याहाकीछान्ले ।” (१ कोरिन्थी १५:५४-५७)

परमेश्वर खाटखाटानै ह्वाच भर्मीकी कालौ(मृत्यु)ओ हीर बीरम्ह माले । जब ईसे संसारकी डास्च समय राहाले, तब होसे माराहाड्न (खुशी) खाटा नूड्ले । पावल प्रेरितै होड्डीले- “नूड्कीकेटार खीस्टखाटा उँच मी-मन (इच्छा) त ले, हीजैडेनाड ईसे धेरै सेहेच ले ।” (फिलीप्पी १ : २३)

होसे खीष्टियन येशूओ मीटाहा ओस्की पाले, हीजैडेनाड होस्कोनै होचेऊ निम्ति कूसै सीकीछाना र होस्की उद्धार



१० महिमासाठान स्वर्ग नूच

जाट्कीछाना । सेहेच हंसै पनि होस्की येशूओ वचनकी आर्  
मेटाक्ले, “नाहाकूरीकूड मी-गीन नौबीक्कूस, नाहाकूरी परमेश्वराड  
विस्वास जाट्ले, डाकी पनि विस्वास जाट्नी ।” (यूहन्ना १४:१)  
“मी-मीकै माडाड्च, मेन-केपै (मेनकेटै) मासेच र भर्मीकूड  
मीमनाड माकेल्ह कूराकूरी परमेश्वरै लाहाकी रोह (प्रेम) जाट्च  
कूरीकूड निम्ति जोहो जाट्की छान्मने ।” (१ कोरिन्थी २:९) पृथ्वी  
आड कूसै ईन्च भाषा माले, जसै स्वर्गौं ठाड्कूरीओ महिमौ बखान  
जाट्की ह्योक्ले । होसेनै ठाड, ईसे संसाराड कानूड प्रभु येशू  
खीष्टखाटा ह्वाचकूरीओ निम्ति जोहो पारीमे ।

काट स्वर्गदूत ईसे मीट्हुम (अन्तिम) तस्वीराड टान्हाक्ने ।  
होच्यै ईसे धर्मी हंसकी (आत्माकी) परमेश्वरलेठाड आल्की  
लेन्मउँमने । आब होचेऊ प्राण र हंस नास छान्च शरीरौ बन्धनीड  
मुक्त छानार येशूओ खेरेपाड सोटाक्मने, जसै होस्की रोह (प्रेम)  
जाट्कीछाना । हीजैडेनाड होचेऊ निम्ति होस्की ईसे पृथ्वीआड  
राहाकीछाना र सीकीछाना, परमेश्वरौ खेरेपाड आनन्द, खुसीखाटा  
होस्की स्वागत जाट्ले, जहाँ होस्की प्रभु प्रशंसा जाट्च लवजै  
झोरले-“स्याबास सेहेच र कूरा मन्डीच दास नाकू थोरै कूराड  
विस्वासयोग्य उँवा, डा नाकूकी धेरै कूरामीटाक नियुक्त जाट्ले ।  
लोहो मालिकौ आनन्द खाटानै भित्रि राहानी ।” (मत्ती २५:२१)  
आबलेकीड शैतान होस्की सेन्र दुःख याहाकी माह्योक्ले हीजैडेनाड  
“परमेश्वरौ भक्तकूरीकूड मृत्यु होस्कौ अघेर (सामु) अनमोल  
ले ।” (भजनसंग्रह ११६ : १५)

“हटई डै स्वर्गीड ईटो डेच आवाज सेया, “ईसे अट  
रीक्नी, आब होटो प्रभुआड सीचकूरी धन्यौ हो, हंसै डेकीछान्ले अँ  
नाहाकूरीए लोहो परिश्रमीड म्हूड अट डूपून, अनि नाहाकूरीकूड  
कामकूरी नाहाकूरीकूड न्हुनीड लगडीस्ले ।” (प्रकाश १४ : १३)

## मीट्हुम अर्ठी (अन्तिम उपदेश)

लौ प्रिय लाफा, परमेश्वरै नाकूकी सयायता अट जाट्स् ।  
नाकै मेल्हो मी-गीन होस्कोकी याहाकी अट ह्योक्कस । प्रभु येशू  
नाकूकी रोह (प्रेम) जाट्कीछान्ले, र नाकूकी होमार डेकीछान्ले-  
“हे डऊ मीजा, हे डऊ नानी नाकूड मी-मन डालाक् ल्हेटाक्नी  
। “लोहो मी-गीन प्रभु येशूकी अट याहानी । होस्कै नाकूकी काट  
नैयाँ मी-गीन र काट हंस (आत्मा) याहाकीछान्चले । नाकू मेल्हौन  
मी-गीनौ अभिलाषा र इच्छा अन्सार ह्वाम मेल्हाकी धोखा  
मायाहानी । हीजैडेनाड “जसै मेल्होनै मी-मनाड भरोसा डाले, होसे  
मूर्ख हो, तर सेहेमजा ह्वाले, होसे जीवाट्ले ।” (हितोपदेश२८:२६)  
लोहो पापकूरीकी डास्नी र परमेश्वरौ धार्मिकताखाटा टाराप अट  
लानी, “हीजैडेनाड पापौ जेला सीकी (मृत्यु) हो, तर परमेश्वरौ  
रोह (अनुग्रहौ) बरदान कानूड प्रभु येशू खीष्टाड लोट्च (अनन्त)  
जीवन हो ।” (रोमी ६ : २३)

अनि नाकै लोहो जीवन परमेश्वरौ मी-हूटाड याहामने ।  
येशू खीष्टाड लेच विस्वास र प्रेमाड उँवार नाकै सेकीछान्च वचन  
घोम अट डानी । हीजैडेनाड पावलै पनि तिमोथी १:१२ आड  
ईटोडेमे- “डै सू मीटाक विस्वास डामने, होसे डै वार्लहे र डा  
पक्का ले, जून कुरा डै होसे दिनौ निम्ति होस्कोकी याहामने,  
होचेऊ रखबाली होस्कै जाट्कीछान्ले ।” ईसे सेहेच विस्वासाड  
ल्होड्चै सेहेच हंसखाटा प्रार्थना अट जाट्नी । मेल्हाकी परमेश्वरौ  
प्रेमाड अट डामउँनी । खीष्ट येशूलाक् सेहेमजा अट ओस्नी ।  
होस्को नै लाम, सत्य र जीवन हो । कानूड प्रभु छीट्टोनै लोहो  
भर्मीकोकी लाकी राहाकीछान्चले । “होस्को राजाकूरीकूड राजा  
र प्रभूकूरीकूड प्रभू हो ।” (१ तिमोथी ६:१५)

अब होस्कोकी, जसै नाहाकूरीकी ठेस ज्याचलेकीड रक्छ्या

जाट्की र होस्कौ महिमौ खरेप नाहाकूरीकी आनन्दखाटा  
निष्कलङ्कखाटा टोड्हाक्की ह्योक्कीछान्ते, अथवा कानूड प्रभु येशू  
लेकीड महिमा, पराक्रम र शक्ति अगाडिलेकीड चाँहा र  
न्हूनीडसम्म अट छान्मउँकूस । "आमेन ! (यहूदा २४:२५)